

卷121
673
部五:34



文獻通考卷第一百十六

鄱陽馬端臨貴與著



王禮考十一

乘輿車旗鹵簿

昔人皇氏乘雲駕六羽出谷口或云祗車也及五龍氏乘龍上下以治古史考之黃帝作車至少皞始駕牛及陶唐氏制彤車乘白馬則馬駕之初也

黃帝振兵教熊羆貔豹驅虎制陣法設五旗五麾

有虞氏因彤車而制鸞車鸞有鸞和也有虞氏之旅有虞氏當

言綏夏后氏當言旂此蓋錯誤也綏謂注旄牛尾於杠首所謂大麾周禮王建大麾以朝

夏后氏因鸞車而制鉤車

鉤有曲蓋曲蓋者謂曲前俾闌也鉤之言不揉自曲

車正奚仲建旂旒尊卑上下各有等級

夏后氏之綏

綏當為旂此錯誤夏后氏漸文既注旂竿首又有旒綖

夏后氏駱馬黑鬣

駱馬黑相

間也此馬白身黑鬣故云駱也夏尚黑故用黑鬣

夏后末代制輦

按輦人所輦也傳元

子曰夏名輦曰輿車司馬法曰夏后二十人而輦

殷因鉤車而制大輅

大輅車輅也禮緯曰山車乘鉤乃鉤車之象昔成湯用而郊祀有山

車之瑞山車亦謂之桑根車似金根之色亦謂之大輅

殷之大白

謂白色旗殷尚白故隨代

之色無所畫也

殷人白馬黑首

純白似凶故黑首亦從所尚也

殷曰胡奴

車即輦也殷十人而輦

周因鉤車以制木輅約木以加飾為王之五路一曰玉

路錫樊纓十有再就建太常十有二旂以祀

王在焉曰路玉路以

玉飾諸末錫馬面當盧刻金為之所謂鏤錫也樊讀如鞶帶之鞶謂今馬大帶也鄭司農云纓謂當胸以削革

為之三就三重三匝也元謂纓今馬鞅玉路之樊及纓皆以五彩罽飾之十二就就成也太常九旗之畫日月

者正幅為纓旂則屬焉疏曰飾諸末凡車上之材於末頭皆飾之錫眉上曰錫刻金飾之纓夾馬頸故以馬

鞅解之就謂毛釐以為罽染五采飾之一采一匝為一就就數雖多亦一采一匝也鉤在膺前玉路有錫亦有一

鉤上得兼下金路有金路鉤樊纓九就建大旂以賓同鉤無錫下不得僭上

姓以封金路以金飾諸末鉤婁領之鉤也金路無錫有成大旂九旗以金為之其樊及纓以五采罽飾之而九

王子母弟率以功德出封雖為侯伯其畫服猶如上公若魯衛之屬其無功德各象路朱樊纓七就建大赤以

以親疏食采畿內而已象路以象飾諸末象路無鉤以朱飾勒而

朝異姓以封象路以象飾諸末象路無鉤以朱飾勒而己其樊及纓以五采罽飾之而七成

乾隆十二年校刊

禮記卷之六十一

十一

九旗之通帛以朝以日視朝異姓王甥
革路龍勒條纓
舅疏云凡言勒者馬之轡飾皆是

五就建大白以卽戎以封四衛
革路鞞之以革而漆之
飾韋雜色為勒條讀為條其樊及纓以條絲飾之而五

成不言樊蓋脫耳以此言條知玉路金路象路飾樊纓
皆不用金玉象矣大白殷之旗猶周大赤蓋象正色也

卽戎謂兵事四衛四方諸侯守衛者蠻服以內疏曰
金玉象路皆以革鞞但更有王金象為飾故謂之他物

且玉象路皆以革鞞但更有王金象為飾故謂之他物
為革路而已龍木路前樊鵠纓建大麾以田以封蕃國

勒雜色韋為勒木路前樊鵠纓建大麾以田以封蕃國
木路不鞞以革漆之而已前讀為緇翦之翦翦淺黑也

木路無龍勒以淺黑飾韋為樊鵠色為纓不言就數飾
與革路同大麾不在九旗中以正色言之則黑夏后氏

所建田四時田獵蕃國謂九州之外夷服鎮服蕃服
疏曰太上無革故言木路無龍勒降於革路也凡五等

諸侯所得路者在國祭祀及朝天子皆乘之但朝天子
之時乘至天子館則舍之於館諸侯

自相朝亦應乘之親迎皆乘所賜路

陳氏禮書曰古者服牛乘馬引重致遠以利天下

則車之作尚矣或曰黃帝作軒冕不可考也車之

制象天以為蓋象地以為輿象斗以為杠轂象二

十八星以為蓋象日月以為輪輻前軾而後戶前

軌而後軫旁轆而首以較下軸而銜以鞮對人者

謂之對車如舟者謂之舳舻而相迎者謂之牙舳

之曲中謂之前疾軛之上平謂之衡衡之材與輿

之下木皆曰軛以其力任於此也轂之端與轆之

下木皆曰軛以其旁止於此也軾可以名輿可以

名車達常可以名部軾前橫木可以名輅此又因

一材而通名之也其爲車者有長轂者有短轂者
有杼輪者有侔輪者有反揉者有仄揉者有兩輪
者有四輪者有有輻者有無輻者有曲轅者有直
轅者輦直有一轅者有兩轅者有直輿者有曲輿
者鈎車有廣箱者有方箱者有重較者有單較者
或駕以馬或駕以牛或輓以人或飾以物或飾以
漆或樸以素要皆因宜以爲之制稱事以爲之文
也然禮有屈伸名有抑揚故論其任重則雖度人
之牛車亦與大夫同稱大車論其等威則雖諸侯
之正路於王門曰偏駕而已

又曰路大也玉路金路象路以金玉象飾之也革
路輓而漆之木路漆之而不輓則有飾者皆輓而
漆輓而漆者無飾也玉路錫樊纓十有再就金路
鈎樊纓九就象路朱樊纓七就革路龍勒條纓五
就木路前樊鵠纓者錫在顙鈎在額朱者勒之色
龍者勒之飾詩言鏤錫左傳言錫鸞和鈴昭其聲
也莊周言齊之以月題錫白金也鏤其文也月題
其象也則錫象月而鏤之又昭其聲也詩言鈎膺
采芑曰鈎膺條革
韓奕曰鈎膺鏤錫則鈎在膺前亦金爲之爾雅轡
首謂之革詩曰條革金厄儀禮士纓轡貝勒夫諸

侯之倻革有金厄毛義曰厄鳥蠲也士之勒有貝飾則王

之革路有龍勒宜矣巾車行人言樊纓禮記左傳

皆作繁纓繁纓十有再就九就七就五就之別此

左傳所謂游纓昭其數也杜預曰纓在馬膺前如

素帛則纓非鞅也樊然為鞅之飾耳杜子春謂故

書鵠或為結則前樊結纓者無就而結之爾條則

不結則條纓垂而長者也然則錫也鈎也朱也龍

勒也玉金象革四路蓋皆有之采芑言方叔之車

鈎膺倻革韓奕言韓侯車鈎膺鏤錫夫方叔在征

則革路矣而有鈎膺釋詩者謂方叔乘金路然金路以封同姓而方叔不必同

姓又非就封其於師中宜乘革路韓侯就封則象路矣而有鏤錫

是錫不特施於玉路而鈎不特施於金路也以此

觀之則禮所謂錫也鈎也朱也龍勒也條也各舉

其一互相備也若夫木車則質而已故前樊結纓

則結其前而非全結也巾車言五者之飾皆其首

面領膺之著者也故不及腹帶鄭康成以樊為鞶

帶之鞶又以龍為駢條為條前為翦非也纓蓋用

組為之與冠纓同五采一匝為就與圭纁冕旒之

就同鄭司農以士喪馬纓三就為削革三重康成

謂樊纓以五采屬飾之又謂金路無錫有鈎鵠纓

就數與革路同殆不然也禮曰丹漆雕幾之美素車之乘詩曰路車有奭毛氏曰奭赤貌路車之飾皆丹漆矣然禮言玉路以祀又言素車之乘蓋王之祀天自國至大次則乘玉路自大次以升壇則乘素車猶之聽祭報以皮弁及祭則服大裘冕也巾車金路以賓同姓以封象路以朝異姓以封革路以卽戎以封四衛木路以田以封蕃國言同姓以封而不言以封同姓言異姓以封而不言以封異姓則嫌以賓獨賓同姓以朝獨朝異姓故也同姓一異姓二以異姓對庶姓則庶姓非異姓也司儀

上揖庶姓時揖異姓孔子以南宮縚為異姓則異姓姻也庶姓非姻也以異姓對同

姓則庶姓亦異姓而已故巾車金路封同姓象路封異姓禮記於侯授同姓謂之伯父叔父異姓謂之伯舅叔舅凡此所謂異姓者庶姓預之也同姓亦曰內姓異姓亦曰外姓左傳曰同姓選親外姓選舊

又曰書曰大輅在賓階面綴輅在阼階面先輅在左塾之前次輅在右塾之前禮器曰大路繁纓一就次路繁纓七就郊特牲曰大路繁纓一就先路三就次路五就然則周官馭玉路者謂之大馭則

玉路謂之大路獨周爲然若夫商之大路則木路而已春秋傳與荀卿曰大路越席禮器與郊特牲曰大路繁纓一就明堂位曰大路商路也孔子曰乘殷之路皆木路也然禮器與郊特牲言大路繁纓一就則同其言次路繁纓五就七就則不同者先王之路降殺以兩反此而加多焉蓋亦以兩而已大路一就先路三就則次路有五就七就者矣書言次路以兼革木二路則商之次路五就七就庸豈一車耶鄭氏以七就爲誤是過論也夫綴路金路也以其綴於玉路故也先路象路也以其行

道之所先故也次路革路木路也以其次於象路故也周官典路若有大祭祀則出路大喪大賓客亦如之凡會同軍旅弔於四方以路從蓋王之行也乘玉路而先之以象路次之以革路木路而金路綴於玉路之後觀書先路在左塾之前而居西次路在右塾之前而居東春秋之時鄭侯以先路三命之服賜子展以次路再命之服賜子產魯以先路三命之服賜晉三帥以一命之服賜司馬與師以下則先路固貴於次路矣孔安國亦以先路爲象路蓋亦有所受之也諸侯有先路後路亦有

大路樂記亦曰大輅天子之輅所以贈諸侯雜記諸侯之贈有乘黃大路相禡以後路與冕服先路與褒衣蓋諸侯之大輅則金路謂之大路猶熊侯謂之大夫侯春秋傳稱王賜晉文公以大路之服僖二十八年王賜鄭子僑以大路襄十九年王賜叔孫豹以大路襄二十四年杜氏以賜魯衛晉之大路皆金路賜穆叔子僑之大路當是革木二路此不可考

司常掌九旗之物名各有屬以待國事日月為常交龍為旂通帛為旛雜帛為物熊虎為旗鳥隼為旗龜蛇為

旒全羽為旒析羽為旒物名者所畫異物則異名也屬謂徽識也大傳謂之徽號今城

門僕射所被及亭長著絳衣皆其舊象通帛謂大赤從

周正色無飾雜帛者以帛素飾其側白殷之正色全羽

析羽皆五采繫之於旒旒之上所謂注旒於干首也凡

九旗之帛皆用絳疏曰九旗之中旛物旒旒不畫此

總言之故皆云畫耳天子之衣無日月星故有升龍降

龍諸侯不得與天子同故其衣有升龍無降龍天子之

旂有日月星辰諸侯旂無日月星故有升龍降龍中

龍象朝王降象還本國也旛不畫異物帛而已物赤中

白旁旗畫鳥隼象勇鳥象道車載旒道車象輅也王

捷疾旒畫龜蛇象避難道車載旒以朝夕燕出入

所乘全羽為旒全羽析羽皆象文德夏采註云禹游車

貢徐州貢夏翟羽有虞氏為綏後染羽用之無帛游車

載旒析羽為旒大麾以田夏后氏大白以卽戎殷之翽旒君

於國中以翽旒為獲白羽龍旒君射於境所用也畫

與朱羽採鴻脰韜杠三仞龍旒龍於通帛之旒上

陳氏禮書曰釋名曰旗期也言與眾期於下明堂

乾隆十二年校刊

禮記卷之三十一 王禮十一

位曰有虞氏之綏夏后氏之綢練商之崇牙則其制有自矣司常日月爲常交龍爲旂熊虎爲旗鳥隼爲旟龜蛇爲旐全羽爲旄析羽爲旌則其等有辨矣然熊虎爲旗而九旗亦謂之旗經傳凡言旌旗是也日月爲常而諸侯之旂亦謂之常行人公侯伯子男建常是也交龍爲旂天子之常亦謂之旂覲禮天子載大旂是也析羽爲旌天子至大夫士之旗亦謂之旌樂記龍旂天子之旌鄉射旌各以其物是也爾雅曰素錦綢杠纁帛縹素升龍於縹練旒九飾以組維以縷蓋揭旗以杠綢杠以錦

正幅爲縹爲旒旒亦曰飾縹以纁則旒績矣左傳曰績蒨是也升龍素則降龍青矣曲禮曰左青龍是也蓋青陽也素陰也陽在上而降陰在下而升交泰之道也覲禮曰天子載大旂升龍降龍周禮曰交龍爲旂又曰諸侯建旂則天子諸侯之旂龍章一也司馬法謂旗章夏以日月上明商以虎上一象其下復然商頌曰龍旂十乘則商不聞其以虎也天子之旂亦升龍降龍不象其升朝下復也先儒又謂天子之旌高九仞仞八尺諸侯七仞大夫

五仞士三仞死者以尺易仞天子九尺諸侯七尺
大夫五尺士三尺射禮無物則翽旌杠三仞士喪
禮無銘則緇銘而杠三尺其說蓋有所受也舊圖
杠首爲龍首銜結綬及鈴蓋承唐制然歟

又曰周禮司常日月爲常巾車王乘玉路建太常
十有二旂以祀觀禮天子乘龍載大旂象日月升
龍降龍郊特牲曰旂十有二旒龍章而設日月象
天也魯頌與明堂位言魯用天子之禮亦曰龍旂
承祀旂十有二旒日月之章左傳曰三辰旂旗昭
其明也然則常有三辰升龍降龍設崇牙備弧矢

弧以張縵也鄭氏謂崇牙者爲重牙以飾旒之側飾之以旄垂之以鈴人

臣有功則書於其上考工記曰弧旌枉矢以象弧

鄭氏曰畫枉矢恐不然也明堂位曰乘大路載弧韉觀禮侯氏

載龍旂弧韉左傳曰錫鸞和鈴爾雅曰有鈴曰旂
書曰厥有成績紀于太常司勳凡有功者銘書於
王之太常觀此則太常之制可知矣太常不特祀
天而已至於拜日禮月祀方明禮四瀆禮山川秋
治兵冬大閱皆載焉祀方明遂會諸侯則所會之
旂與朝之大赤異矣治兵大閱然後田則治兵大
閱之旂與田之大麾異矣鄭氏謂春夏之田用大

麾秋冬建太常王之自將建太常不自將建大白
然後治兵非即戎也治兵大閱未即田也孰謂行
師而不建大白田而不建大麾乎然常之三辰則
日月北斗而已與衣服之畫星辰不同觀曲禮曰
招搖在上穆天子傳稱天子葬盛姬建日月七星
蓋旗以指物則所畫者不過北斗耳漢郊祀歌曰
招搖靈旗則後世旗亦畫北斗也

周曰輜車即輦也

不知何年去其輪
周十五人而輦

秦平九國蕩滅典籍舊制多亡因金根車用金為飾謂
金根車而為帝軫

金根以
金為飾

黑旗皂旒以從水德復法水

數駕馬以六

五子之歌曰若朽索之馭六馬則六
馬非始於秦制但法水德相符耳

古者

諸侯貳車九乘秦滅九國兼其車服故大駕屬車八十

一乘

周制凡良車散車任馬者其用無常以給游燕及
恩惠之賜從車所載財貨輜重之車車後開戶作

之有功有沽良車功多散車功少鄭元曰作之有功有
沽沽麓也則屬車之流周末諸侯有貳車九乘秦滅而
兼之薛綜曰屬者相
連屬也皆在後貳行法駕半之左右分行其車皆皂蓋

赤裏木輜輜戈矛弩箛尚書御史所載最後一乘懸豹

尾豹尾以前為省中

小學漢官篇曰豹尾過後罷屯解
圍胡廣曰施之道路故須過後屯

圍乃得解所以戒不虞也淮南子曰軍正執
豹皮所以制正其衆也省中即今之仗內

秦以輦

為人君之乘

古謂人牽為輦宋萬以乘車輦其母秦始
皇乃去其輪而輿之漢代遂為人君之乘

漢制乘輿大駕備車千乘騎萬匹屬車八十一乘公卿

奉引太僕大將軍驂乘祀天於甘泉用之

三輔黃圖天子出車駕次第謂之鹵簿有大駕有法駕有小駕大駕則公卿奉引大將軍驂乘太僕御屬車八十一乘作三行尚書御史乘之最後一乘垂豹尾豹尾以前皆為省中備千乘萬騎出長安出祠天於甘泉備之百官有其儀注名曰甘泉鹵簿法駕京兆尹奉引侍中驂乘奉車郎御屬車三十六乘

石林葉氏曰大駕儀仗通號鹵簿蔡邕獨斷已有此名唐人謂鹵櫓也甲楯之別凡兵衛以甲楯居外為前導捍蔽其先後皆著之簿籍故曰鹵簿因

舉南朝御史中丞建康令皆有鹵簿為君臣通稱二字別無義此說為差近或又以鹵為鼓簿為部謂鼓駕成而部伍不知鹵何以謂之鼓又謂石季龍以女騎千人為一鹵部簿乃作部皆不可曉今有鹵簿記宋宣獻公所修審以簿籍之簿則既云簿不應更言記

漢王車黃屋左纛

李斐曰天子車以黃繒為蓋裏纛毛羽幢也在乘輿車衡左方上注之蔡

邕曰以羗牛尾為之如斗或在駢頭或在衡或在最後左駢馬馭上鸞旗在前屬車在後

師古曰鸞旗編以羽毛列繫幢旁載翠鳳之駕師古曰天子乘

於車上大駕出則陳於道而先行旌旗鼓車旄頭先驅師古曰凡此皆

乾隆十二年校刊

文獻通考卷六十一 王禮十一

十一

方朔傳應劭云旄頭以羽林為之髮
正向上而長衣繡衣在乘輿之前
左御者居中又有一人處車之右以備傾側是以戎事
則稱車右其餘則曰驂乘蓋取三人為名義耳陳平降
漢漢王使驂乘周緜以舍人從高祖常為驂乘文帝自
代來令宋昌驂乘文帝朝東宮趙談驂乘袁盎伏車前
曰臣聞天子所與共六尺輿者皆天下豪英今漢雖乏
人獨柰何與刀鋸餘人共載於是上笑談泣下車
武帝時金日磾遷侍中駙馬都尉光祿大夫出則驂乘
宣帝始立謁高廟大將軍光驂乘上內嚴憚若有芒刺
在背後車騎將軍張安世
代驂乘上從容肆體甚安

高祖為沛公旗幟皆赤由所殺蛇白帝子所殺者赤帝子故也

司馬相如傳乘鏤象六玉蚪
張楫曰鏤象象路也以象牙疏鏤其車輅六玉蚪謂駕六馬以玉飾其鏤勒
有似玉蚪龍子有角曰蚪
采綴以鏤為旌
拖蜺旌

有似虹
蜺之氣
驂雲旗
畫熊虎為旒於旗似雲氣
前皮軒後道游
皮軒之

皮為重蓋天子時出道車五乘游車九乘
言皮軒最居前而道游次皮軒之後也

揚雄傳乘輿迺登夫鳳凰兮翳華芝
師古曰鳳凰者

也翳蔽也以駟蒼螭兮六素蚪
四六駕數也螭似龍一名螭
流星

旄以電燭兮咸翠蓋而鸞旗屯萬騎於中營兮方玉

車之千乘也
張耀日之元旄揚左纛被雲稍
稍與旃同

奮電鞭驂雷輜鳴洪鐘建五旗
漢舊儀云黃帝車駕建五旗蓋謂五色之

旗也以其負重致遠
建九旒六白虎載靈輿立歷天之

旂曳梢星之旂舉洪頤植靈旗也
旗名也

漢舊儀皇帝起居儀宮馬內百官所使按傳籍而後

出入營衛周廬晝夜誰何殿門外署衛尉殿內郎署
屬光祿勳黃門鉤盾近署屬少府輦動則左右傳帷
幄者稱警蹕則衛官填街騎士塞路出殿則傳蹕止
人清道建五旗丞相入卿執兵奉引先置素室清宮
而後往故日出則屏門入則壅塞所以重威固絕無
間防未然也乘輿冠高山冠飛羽之纓幘耳赤丹純
裏帶七尺斬蛇劍履虎尾絢履

漢輦因秦以彫玉爲之方徑六尺或使人輓之或駕果
下馬

東漢大駕希用惟上陵及遭大喪施之法駕公卿不在

鹵簿中唯河南尹執金吾洛陽令奉引侍中驂乘奉車

郎御屬車三十六乘或曰四乘前驅有九旂雲罕旂車有

史不記形武王剋紂百夫荷罕旗而先驅鳳凰闕戟闕

爲言亟也取皮軒鸞旗應劭漢官鹵簿圖曰乘輿大皆

四戟亟車邊皮軒鸞旗駕則御鳳凰車以金根爲列

大夫載皮軒謂虎皮軒郭璞曰皮軒革車鸞旗者編羽

旄列繫幢旁胡廣曰建民或謂之雞翹非也胡廣曰鸞

鸞鳥車衡上後有金鉦黃鉞說文曰鉞大斧也司馬法

與本志不同仗黃鉞黃門鼓車大駕屬車八十一乘法駕半之屬車皆

皂蓋赤裏木輜輳戈矛弩箠尚書御史所載最後一車
懸豹尾薛綜曰傳豹尾以前比省中禮記前載虎皮行

乾隆十二年校刊

祠天郊以法駕祠地明堂省什三祠宗廟尤省謂之小
 駕每出太僕奉駕上鹵簿中常侍小黃門副尚書主者
 郎令史副侍御史蘭臺令史副皆執注以督整車騎謂
 之護駕春秋上陵尤省於小駕直事尚書一人從其餘
 令以下皆先行後罷

乘輿金根安車立車 蔡邕曰五安五立徐廣曰輪皆朱

班重牙 周禮曰牙也者以為因袍也鄭眾 貳轂兩轄 蔡

曰轂外復有一轂抱轄其外乃復設轄抱 金簿繆龍為

輿倚較 徐廣曰繆交錯之形也較在箱上說文曰 文虎

伏軾 軾車橫覆膝人 龍首銜軛左右吉陽箛鸞雀立衡

徐廣曰置金 櫺文畫鞞羽蓋華瓜 徐廣曰翠羽蓋黃裏

鳥於衡上 施朱橐有二十八枚即蓋弓也東京賦曰樹翠羽之高

蓋薛綜曰樹翠羽為蓋如雲龍矣金作華形莖皆低曲

建大旂十有二旂畫日月升龍駕六馬 東京賦云六象

鑣鏤錫金駿方鈇插翟尾 獨斷曰金鑣者馬冠也高廣

前方鈇鐵也廣數寸在馬駿後後有三孔插翟尾其中

薛綜曰鈇中央兩頭高如山形而實中翟尾結著之顏

延之勿誥曰鈇乘輿馬頭上防鈇角所以防罔羅 朱兼

樊纓赤罽易茸金就十有二左纛以鼂牛尾為之在左

駢馬軛上大如斗 徐廣曰馬在中曰腹在外曰駢駢亦

是為德車五時車安立亦皆如之各如方色馬亦如之
 白馬者朱其髦尾為朱鬣云所御駕六餘皆駕四後從

為副車 古文尚書曰子臨兆民凜乎若朽索之馭六馬

士二庶人一周禮四馬乘毛詩天子至大夫同駕四士

駕二易京氏春秋公羊說皆云天子駕六許慎以為天

子駕六諸侯及卿駕四大夫駕三士駕二庶人一

記曰秦始皇以水數制乘六馬鄭元以為天子四馬周

禮乘馬有四圍各養一馬也諸侯亦四馬顧命時諸侯

皆獻乘黃朱乘亦四馬也今帝者駕六此自漢制與古

異耳蔡邕表志曰以文義不著之故俗人多失其名五

時副車曰五帝車鸞旗曰雞翹耕根曰三蓋其比非一

也

蔡邕獨斷法駕上所乘曰金根車駕六馬有五色安
車五色立車各一皆駕四馬是為五時副車俗人名
曰五帝車非也又有戎立車以征伐三蓋車名耕根
車一名芝車親耕籍田乘之又有蹋猪車慢輪有畫

田獵乘之綠車名曰皇孫車天子孫乘之以從凡乘

輿車皆羽蓋金華瓜黃屋左纛金鏤方鈇繁纓重轂

副牽 繁纓在馬膺前如素君重轂 諸車之文乘輿倚

龍伏虎櫨文畫輶龍首鸞衡重牙班輪升龍飛輪 薛綜

曰飛輪以緹油廣八寸長注地畫左蒼龍右白虎繫

軸頭二千石亦然但無畫耳盧植禮記注曰輪轄頭

也楚辭云倚結輪兮太息王逸注曰重較也李尤小

卓銘曰輪之噤虛疏達開通按二家之言不如綜注

所諸馬之文按乘輿金鏤方鈇插翟象鑣 爾雅注曰

錢也皆 龍畫總沫升龍赤扇汗 詩云朱幘鑣鑣毛傳

用象牙 龍畫總沫升龍赤扇汗 詩云朱幘鑣鑣毛傳

汗且以 青兩翅燕尾駙馬左右赤珥流蘇飛鳥節赤

漢官儀侍中左貂右蟬本秦丞相史往來殿中分掌乘輿服物下至褻器虎子之屬武帝時孔安國爲侍中以其儒者特令掌御唾壺朝廷榮之至東京時屬少府亦無員駕出則一人負傳國璽操斬蛇劍乘輿中官俱止禁中

光武平公孫述始獲葆車輿輦而因舊制金根車擬周之玉輅最尊者也

其制見前

大駕則御鳳凰車以金根爲副

魏武帝受漢獻帝命乘金根車駕六馬設五時副車明帝景初中山在縣黃龍見以爲魏得地統服色尚黃戎事乘黑首白馬

魏晉小出則乘輦亦多乘輿

晉制玉金象革木等路是爲五路並天子之法車皆朱

班漆輪畫爲櫺

其巨反

文三十輻法月之數重轂貳轄以

赤油廣八寸長三尺注地繫兩軸頭謂之飛輪金簿繆龍爲輿倚較較重爲文獸伏軾龍首銜軛左右吉陽筓鸞雀立衡櫺文畫軒及幡青蓋黃爲裏謂之黃屋金華施檠朱檠二十八以象宿兩箱之後皆玳瑁爲鷗翅加以金銀彫飾故世人亦謂之金鷗車斜注旂旗於車之左又加檠音啓戟於車之右皆橐而施之檠戟韜以黻繡上爲亞字繫大蛙蟆幡軛長丈餘於戟之杪以犛牛尾

大如斗置左駢馬輓上是為左纛轅皆曲向上取禮緯
山車垂句之義言不揉而能自曲玉金象三路各以其
物飾車因以為革者漆革木者漆木其制玉路最尊建
太常十有二旒九仞委地畫日月升龍以祀天金路建
大旂九旒以會萬國之賓亦以賜上公及王子母弟象
路建大赤通赤無畫所以視朝亦以賜諸侯革路建大
白以即戎兵事亦以賜四鎮諸侯木路建大麾以田獵
其麾色黑亦以賜蕃國玉路駕六黑馬餘四路皆駕四
馬馬並以黃金為文髦插以翟尾象鹿而鏤錫錫在馬
面所謂
當顯金鏤而方銳金鏤謂以金鏤為文旄以鐵為之其
大三寸中缺而兩頭高如山形貫中
者也

以翟尾而結著之繁纓赤屬易茸金就十有二繁纓馬飾纓在
馬膺前如素帛

五路皆有錫鸞之飾和鈴之響鉤膺玉瓊鉤膺即繫纓
也瓊馬帶玦

名龍輶華轆輶車轅也頭為龍象轆
謂車衡上環受鸞者也朱幘幘飾也人君
以朱纏鑣扇

汗以為法駕行則有五路各有所主不俱出臨軒大會

則陳乘輿車輦旌鼓於其殿庭車坐乘者謂之安車倚

乘者謂之立車亦謂之高車

按周禮惟王后有安車也王亦無之自漢以來制乘

輿乃有之有青立車青安車赤立車赤安車黃立車

黃安車白立車白安車黑立車黑安車合十乘名為

五時車俗謂之五帝車天子所御則駕六其餘並駕

四建旂十二各如車色立車則正豎其旂安車則斜
注駕馬亦各隨五時之色白馬則朱其鬣尾左右駢
驂金鏤鏤錫黃屋左纛如金根之制行則從後

五牛旗平吳後所造以五牛建旗車設五牛青赤在左
黃在中白黑在右豎旗於牛背行則使人輿之牛之爲
義蓋取負重致遠而安穩也旗常纏不舒所謂德車結
旌也天子親戎則舒所謂武車綏旌也

晉大駕鹵簿先象車

象車漢鹵簿最在前武帝太康中

之以載黃門鼓吹數十人使越

平吳後南越獻馴象詔作大車駕

八騎之元正大會駕象入庭 鼓吹一部十三人中道
次靜屋令駕一中道或道候二人駕一分左右次洛陽

尉二人騎分左右次洛陽亭長九人赤車駕一分三道

鼓吹正二人引次洛陽令皂車駕一中道次河南中部

椽中道河橋椽在左功曹史在右並駕一次河南尹駕

駟戟吏六人次河南主簿駕一中道次河南主記駕一

中道次司隸部河南從事中道都部從事居左別駕從

事居右並駕一次司隸校尉駕三戟吏六人次司隸主

簿駕一中道次司隸主記駕一中道次廷尉明法掾中

道五官掾居左功曹史居右並駕一次廷尉駕駟戟吏

六人次廷尉主簿主記並駕一在左太僕引從如廷尉

在中宗正引從如廷尉在右次太常駕駟中道戟吏六

乾隆十二年校刊 文獻通考卷一百一十一 王禮十一

人太常外部掾居左五官掾功曹史居右並駕一次光祿引從中道太常主記居左衛尉居右並駕一次太尉外督令史駕一中道次東西捕賊倉戶等曹屬駕一列從次太尉駕駟中道太尉主簿舍人各一人祭酒二人並駕一在左右次司徒引從駕駟中道次司空引從駕駟中道三公騎令史執各八人鼓吹一部七人次中護軍中道駕駟鹵簿左右各二行戟楯在外弓矢在內鼓吹一部七人次步兵校尉在左長水校尉在右並駕一鹵簿左右二行戟楯在外刀楯在內鼓吹各一部七人次驍騎將軍在左游擊將軍在右並駕一皆鹵簿左右

各二行戟楯在外刀楯在內鼓吹各一部七人騎隊五在左五在右隊各五匹命中督二人分領左右各有戟吏二人麾幢揭鼓在隊前次左將軍在左前將軍在右並駕一皆鹵簿左右各二行戟楯在外刀楯在內鼓吹各一部七人次黃麾騎中道次黃門前部鼓吹左右各一部十三人駕駟八校左右各四行外大戟楯次九尺楯弓矢弩並熊渠欽飛督領之次司南車駕駟中道護駕御史騎夾左右次謁者僕射駕馳中道次御史中丞駕一中道次武賁郎將騎中道次九遊車中道武剛車夾左右並駕駟次雲罕車駕駟中道次關戟車駕駟中

道長戟斜偃向後次皮軒車駕駟中道次鸞旗車中道
建華車分左右並駕駟次護駕尚書郎三人都官郎中
道駕部在左中兵在右並騎又有護駕尚書一人騎督
攝前後無常次相風中道次司馬督在前中道左右各
司馬史三人引仗左右各九尺楯弓矢弩次五時車左
右有遮列騎次典兵中郎中道督攝前却無常左殿中
御史右殿中監並騎次高蓋中道左畢右罕次御史中
道左右節郎各四人次華蓋中道次殿中司馬中道殿
中都尉在左殿中校尉在右左右各四行細楯一行在
弩內又殿中司馬一行殿中都尉一行殿中校尉一行

次柵鼓中道次金根車駕六馬中道太僕大將軍參左
右又各增三行爲九行司馬史九人引大戟楯二行九
尺楯一行刃楯一行細弩一行細跡禽一行槌斧一行
刃楯一行連細楯殿中司馬都尉校尉爲左右各十三
行金根車建青旆旂十二左將軍騎右殿中將軍持鑿
腦斧夾車車後衣書主職步徒六行合左右三十二行
次曲華蓋中道侍中騎常侍黃門侍郎並騎分左右次
黃鉞車駕一在左御麾騎在右次相風中道次中書監
騎左祕書監騎右次殿中御史騎左殿中監騎右次五
牛旗赤青在左黃在中白黑在右次大輦中道太官令

丞在左太醫令丞在右次青立車次青安車次赤立車
次赤安車次黃立車次黃安車次白立車次白安車次
黑立車次黑安車合十乘並駕駟建旗十二旂如車色
立車正豎旗安車斜施之次蹋猪車駕駟中道無旗次
耕根車駕駟中道赤旗十二旂熊渠督左佽飛督右次
御輅車次御四望車次御衣車次御書車次御藥車並
駕牛中道次尚書令在左尚書僕射在右又尚書郎六
人分左右並駕一又治書侍御史二人分左右又侍御
史二人分左右又蘭臺令史分左右並騎次豹尾車駕
一自豹尾車後而鹵簿盡矣但以神弩二十張夾道至

後部鼓吹其五張神弩置一將左右各二將次輕車二
十乘左右分駕次流蘇馬六十匹次金鉞車駕三中道
左右護駕尚書郎并令史並騎各一人次金鉦輦駕中
道左右護駕侍御史并令史並騎各一人次黃門後部
鼓吹左右各十三人次卓鼓車駕牛二乘分左右次左
大鴻臚外部掾右五官掾右五官掾功曹史並駕一次
大鴻臚駕駟戟吏六人次大司農引從中道大鴻臚主
簿主記右少府引從次三卿並騎吏四人鈴下二人執
馬鞭辟車六人執方扇羽林十人朱衣次領軍將軍中
道鹵簿左右各二行九尺楯在外弓矢在內鼓吹如護

軍次後軍將軍在左右軍將軍在右各鹵簿鼓吹如左
軍前後次越騎校尉在左屯騎校尉在右各鹵簿鼓吹
如步兵射聲次領護騎遊軍校尉皆騎吏四人乘馬夾
道都督兵曹各一人乘馬在中騎將軍四人騎校靴角
金鼓鈴下信幡軍校並駕一功曹史主簿並騎並從繖
扇幢麾各一騎鼓吹一部七騎次領護軍加大車斧五
官掾騎從次騎十隊隊各五十匹將一人持幢一人持
靴一人並騎在前督戰伯長各一人並騎在後郎簿十
隊隊各五十人絳袍將一人騎靴各一人在前督戰伯
長一人步在後騎皆持稍次大戟一隊九尺楯一隊刀

楯一隊弓一隊弩一隊五隊隊各五十人黑袴褶將一
人騎校靴角各一人步在前督戰伯長各一人步在後

金顏督將并領之其屬車因後漢制

復制御衣御書御
輅御藥等車駕牛

陽燧四望纒
皂輪小形

晉自過江之後舊章多缺元帝踐極始造大路戎路各
一皆卽古金根之制也無復充庭之儀至於郊祀大禮
則權飾餘車以周用六師親征則用戎路去其蓋而乘
屬車但五乘而已加綠油幢朱絲絡飾青交路黃金塗
五采其輪轂猶素兩箱無金錦之飾其一車又是輅車
舊儀天子所乘駕六是時無復六馬之乘五路皆駕四

而已同用黑是爲元牡無復五時車有事則權以馬車代之建旗其上其後但以五色木牛象五時車豎旗於牛背行則使人輿之牛之義蓋取其負重致遠而安穩也旗常纏而不舒飾所謂德車結旌者也惟天子親戎五旗舒飾所謂武車綏旌者也指南車過江亡失及義熙五年劉裕屠廣固始復獲焉乃使工人張綱補緝周用十三年裕定關中又獲司南記里諸車制度始備其輦過江亦亡制度太元中謝安率意造焉及破苻堅於淮上獲京師舊輦形制無差大小如一時人服其清記義熙五年劉裕執慕容超獲金鉦輦豹尾舊式猶

存

元典中屬車唯九乘苻堅敗又得僞車輦增爲十二乘

宋孝武大明中尚書左丞荀萬秋改造五輅依晉金根車加赤漆幘畫玉飾諸末建青旗十有二旒駕駟以元復因漢之安車章施羽葆蓋以祀以金根爲金輅建青旗駕元馬四羽葆蓋以賓象革木輅並擬玉輅象輅視朝革輅卽戎二輅並建赤旂駕元馬四木輅建赤麾以田駕赤馬四大事法駕五輅俱出孝建中尚書令王宏議屬車起秦八十一乘及三十六乘並不出經典自胡廣蔡邕傳說耳又是從官所乘非常副車正數江左五乘則儉不中禮帝王文物旗旒皆十二爲節今宜依禮

十二乘爲制

齊武帝永平初伏曼容議齊德尚青車旗先青

次赤次白次黑

軍容戎事宜依漢道行運之色因宋金根車而修玉輅
畫輪金塗兩箱上望板前優遊通祿金塗鏤鏤碧紋箱
鑿鏤金簿帖兩箱外織成衣兩箱裏金塗鏤面釘玳瑁
帖望板箱上帖金博山優遊上和鸞立花跌銜鈴銀帶
玳瑁笄優遊下隱膝裏施金塗鏤面花釘織成文優遊
橫前施玳瑁帖金塗花釘金塗倒龍後損鑿銀玳瑁龜
甲金塗花沓望板金塗受福望龍諸校飾軛及諸末皆
螭龍首龍形板在車前銀帶花獸金塗受福緣裏邊鏤

鏤玳瑁織成衣裏金塗鏤面花釘外金塗博山辟邪障

鳳凰銜花升蓋金塗鏤鏤二十八爪支子花黃錦升衣

複碧絹漆布緣油頂絳絲織成顏菟徒昆赭舌孔雀毛

複錦綠紋隨陰懸諸珠螭佩金塗鈴雲朱結人綬雜色

真孔雀毼一轅漆畫車衡銀花帶衡上金塗博山四鸞

鳥立花跌銜鈴龍首銜軛極翟尾上下花沓絳綠絲的

望繩八枚旂十有二旂畫升龍竿首金塗龍銜大騶幡

真毼棨戟織成衣金塗沓駐及受福金塗鴈鏤鏤漆安

立牀在車中錦複黃紋爲安立衣錦複黃紋障泥八幅

長九尺綠紅錦菟帶織成花五輅江左相承駕駟左右

駢爲六施絳絲遊御繩其重轂貳轄飛輪幡赤油金紫
真毘左纛置左駢馬軛上金鏤方釤繁音纓金塗紫皮
帶真毘橫在馬膺前其鏤錫皆如古制初加玉輅爲重
蓋捷寶鳳凰綴金鑷珠璫玉犇珮四角金龍銜五采毘
又麒麟頭加以采畫馬首戴之竟陵王子良啓曰凡蓋
圓象天軫方象地上無二天之儀下設兩蓋之飾求諸
志錄最爲乖衷又假爲麟首加乎馬頭事不師古鮮或
可施至建武中明帝乃省重蓋等金輅之飾如玉輅而
減少象輅減金輅革輅如象輅而尤減木輅如革路建
大赤麾首施大騶幡玉輅金輅建碧旂象輅木輅建赤

旂

齊輦因宋制名小輿

小輿卽今之犢車駟車之流

盛增其飾竹蓬箱

外鑿鏤金簿碧紗衣織成芾錦衣箱裏及仰頂隱膝後
戶金塗鏤面釘瑇瑁帖金塗松精登仙花鈿綠四望紗
萌子上下前後眉鏤鏤轅枕長角龍白牙蘭瑇瑁金塗
校飾漆障形板在蘭前金銀花獸攫天伐龍師子鏤面
榆花鈿金龍虎扶轅軛上金鳳凰鈴鏤銀口帶星後梢
瑇瑁帖金塗花杏銀星花獸幔竿杖金塗龍牽縱橫長
網又制卧輦校飾如坐輦不堪服用復制小輿形如輶
車小行幸則乘之

梁車輅初因齊制天監三年五輅旗麾同用赤而旂不異以從行運所尚也七年帝據周禮玉輅以祀金輅以賓今祀乘金輅詔下詳議周捨謂金輅爲齊車本不關於祭祀於是改陵廟皆乘玉輅轡以朱絲

梁制小輿似輅車金裝漆畫地八橫元正大會乘出上殿西堂舉哀亦乘之行則從後又制步輿方四尺上施隱膝人輿上殿天子至下賤通得乘之復制副輦加笨

步本反

如犢車通憶朱絡謂之蓬輦

陳初因梁文帝天嘉初令劉仲舉議錯綜漢晉舊飾造玉金象牙木等五輅皆金簿交龍爲輿倚較文豹伏軾

虬首銜輓左右吉陽箭鸞雀立衡樞文畫幡綠油蓋黃紋裏相思椽金華末邪注旂旗於車之左各依方色置棨戟於車之右韜以黻繡獸頭幡長丈四尺懸於戟杪玉輅正副同駕六馬餘皆駕駟並金叉髦插於翟尾玉爲鏤錫以綵畫蛙蟆幡綴兩軸頭卽漢之飛輪五路兩箱後皆玳瑁爲鷗翅金銀雕飾兩箱裏衣紅錦金花帖釘上用紅錦爲後檐青紋純帶夏花簞冬綺繡褥後魏道武帝天興初修軒冕制乾象等輦草創制度多違舊章至孝文太和中儀曹令李韶更議改正唯備五輅各依方色其餘車輦猶未能具明帝熙平中侍中崔

光等議大造車服五輅並駕五馬亦無經據道武帝天
興二年命禮官採古法制三駕鹵簿一曰大駕設五輅
建太常屬車八十一乘平城令代尹司隸校尉丞相奉
引太尉陪乘太僕御從輕車介士千乘萬騎魚麗鴈行
前驅皮軒闕戟芝蓋雲罕指南後殿豹尾鳴笳唱上不
作鼓吹軍戎大祠則設之二曰法駕屬車三十六乘平
城令代尹太尉奉引侍中陪乘奉車都尉御巡狩小祠
則設之三曰小駕屬車十二乘平城令太僕奉引常侍
陪乘奉車郎御遊宴離宮則設之天賜二年初改大駕
魚麗鴈行更爲方陣鹵簿列步騎內外爲四重列標建

旌通門建五色車旗各處其方諸王導從在甲騎內公
在幢內侯在步稍內子在刀楯內五品朝臣夾列乘輿
前兩箱官卑者先引王公侯子車後魏制除伯男爵旒麾蓋信
幡及散官構服一皆絳黑

天興初始修軒冕制乾象輦羽葆圓蓋畫日月五星二

十八宿天街雲罕

星經曰昴天子出旌頭畢爲天街罕畢以前驅

山林奇瑞遊

麟飛鳳朱雀元武騶虞青龍駕二十四馬又制大樓輦

車龍輶加玉飾四轂六衡方輿圓蓋金雞樹羽寶鐸流

蘇鸞雀立衡螭龍銜軛建太常畫升龍日月駕二十牛

又制象輦左右金鳳白鹿仙人羽葆流蘇金鈴玉佩初

駕二象後以六駝代之復有游觀小樓等輦駕十五馬
車等草創修制多違舊章太常畫代前日八
北齊車服制度多因後魏天保中所乘是太和中李韶
所制五輅
後周依周禮設六官置司輅之職掌公車之政辨其名
品物色皇帝之輅十有二等一日蒼輅以祀昊天上帝
二曰青輅以祀東方上帝三曰朱輅以祀南方上帝及
朝日四曰黃輅以祭地祇中央上帝五曰白輅以祀西
方上帝及夕月六曰元輅以祀北方上帝及感帝神州
此六輅通漆之而無他飾卽周木輅遺象也馬皆疏面

旂就以方色俱十有二七曰玉輅以享先皇加元服納
后八曰碧輅以祭社稷享諸先帝食三老五更享諸侯
耕籍九曰金輅以祀星辰視朔十曰象輅以望秩羣祀
十一曰革輅以巡兵卽戎十二曰木輅以田獵行鄉畿
此六輅以六色漆畫之用玉碧金象革物飾諸末錫面
金鈎就以五采俱十有二其輅之飾重輪重較加茸焉
皇帝之輅輿廣六尺有六寸畫輪駟衡以雲牙箱軾櫺
文內畫以雜獸獸伏軾鹿倚較三辰之常元青蒼等旗
畫績之六仞曳地設和鸞以節趨行圓蓋方輿以象天

地

後周太常畫三辰日月五星旂畫青龍天子升龍旗畫朱鳥諸侯交龍

旌畫黃麟旗畫白虎旒畫元武皆加雲氣其旛物在軍

亦畫其事號加以雲氣通帛為旛雜帛為物號所書其與姓

名之事號徽旌節又畫白虎而析羽於其上又司常掌

旗物之藏通帛之旗六以供郊祀蒼赤黃白元等旗三

辰之常畫績之旗六以充玉輅之等一曰三辰之常二

曰青龍旗三曰朱雀旗四曰黃麟旗五曰白虎旂六曰

元武旒皆左建旗而右建闕戟又有繼旗四以施軍旅

一曰麾以供軍將二曰旛以帥師三曰旟音伐以供旅帥

四曰旆以供卒長諸公方輅碧輅建旂金輅建旗象輅

建物木輅建旒諸侯自金輅而下如諸公之旗諸伯自

象輅而下如諸侯之旗諸子自犀輅而下如諸伯之旗

諸男自篆輅而下如諸子之旗三公犀輅貝輅篆輅建

旗旒夏篆夏縵及輦車建物孤卿以下各以其等建其

旗旌杠皇帝六仞諸侯五大夫四士三旂皇帝曳地諸

侯及軹大夫及轂士及軫凡注毛於杠首日綏析羽曰

旌全羽曰旛其繆皇帝諸侯加以孤羈闕戟方六尺而

被之以黻唯皇帝諸侯幹建焉闕戟杠綯與旗同

隋開皇元年内史令李德林奏後魏輿輦乖制請廢唯

留後魏太和時李韶所制五輅北齊所尊者後著令制

乾隆十二年校刊 文獻通考卷一百一十五 王禮十一

玉輅青質重箱盤輿左龍右虎金鳳翅畫檣文輓左立
纛金鳳一在軾前八鸞在衡二輪在軾龍輓之上前設
障塵青蓋裏繡旂帶金博山綴以鏡子下垂八珮樹四
十葆羽輪皆朱班重牙復轄左建太常十有二旂皆畫
升龍日月其長曳地右載闕戟長四尺闊三尺黻文旗
首金龍頭銜鈴及綏垂以結綬駕蒼龍金鏤方鈿插翟
尾五隻鏤錫鞶纓十有二就皆五采繒罽爲飾天子祭
祀納后則乘之金輅赤質左建旗畫飛隼右建闕戟盤
輿鳳等並同玉輅駕赤騮臨朝會同饗射飲至則乘之
象輅黃質左建旌畫遊麟右建闕戟駕黃騮祀后土則

乘之革輅白質輓以革左建旗畫騶虞右建闕戟駕白
騮巡狩臨兵則乘之木輅黑質漆之左建旒畫元武右
闕戟駕黑騮田獵則乘之其輅並駕六馬馬飾同玉輅
復置安車重輿曲壁紫油纁裏通幃朱絲絡網朱鞶纓
駕赤騮臨幸所乘

按隋氏五輅遠酌周禮旗旂藻飾近約漢制文質相半

文帝旣

平陳因爲法令憲章往古大駕依秦法駕依漢小駕依
宋煬帝大業初復備大駕八十一乘並如犢車紫通幃
朱絲絡黃金飾駕一牛在鹵簿中單行正道後帝嫌多
大駕減爲三十六乘法駕宜用十二小駕除之可也

詳見

北史閻
毘傳

隋制輦而不施輪通幃朱絡飾以金玉而人荷之又依
梁制副輦復制輿如輦而小宮苑私宴御之小輿方形
同幄帳自閣內升殿御之

文獻通考卷第一百十六

文獻通考卷第一百十七

鄱陽馬

端臨貴

與不著

王禮考十二

乘輿車旗鹵簿

唐制凡天子之車曰玉輅者祭祀納后所乘也青質玉
飾末金輅者饗射祀還飲至所乘也赤質金飾末象輅
行道所乘也黃質象飾末革輅者臨兵巡狩所乘也白
質輓以革木輅者蒐田所乘也黑質漆之五輅者重輿
左青龍右白虎金鳳翅畫芭文鳥獸黃屋左纛金鳳一
鈴二在軾前鸞十二在衡龍軻前設障塵青蓋三層繡

飾上設博山方鏡下圓鏡樹羽輪金根朱班重牙左建
旂十有二旒畫升龍其長曳地青繡綢杠右載闐戟長
四尺廣三尺黻文旂首金龍銜錦結綬及縷帶垂鈴金
鏤方鈿插翟尾五隻鏤錫鞞纓十二就旌旗蓋鞞纓皆
從輅質唯蓋裏皆用黃五輅皆有副耕根車者耕籍所
乘也青質三重蓋餘如玉輅安車者臨幸所乘也金飾
重輿曲壁紫油纁朱裏通幃朱絲絡網朱鞞纓朱覆髮
具絡駕赤駟副輅耕根車安車皆八鸞四望車者拜陵
臨弔所乘也制如安車青油纁朱裏通幃朱絲絡網又
有屬車十乘一曰指南車二曰記里鼓車三曰白鸞車

四曰鸞旗車五曰辟惡車六曰皮軒車七曰羊車與耕
根車四望車安車爲十乘行幸陳於鹵簿則分前後大
朝會則分左右太宗貞觀元年十一月始加黃鉞車豹
尾車通爲屬車十二乘以爲儀仗之用大駕行幸則分
前後施於鹵簿之內若大陳設行則分左右施於儀仗
之中

高祖太宗大禮則乘輅高宗不喜乘輅每有大禮則乘
輦至武太后以爲常元宗以輦不中禮廢而不用開元
十一年冬祀南郊乘輅而往禮畢騎還自是行幸郊祀
皆騎於儀仗之內其五輅腰輿陳於鹵簿而已

唐制輦有七一日大鳳輦二曰大芳輦三曰仙遊輦四曰小輕輦五曰芳亭輦六曰大玉輦七曰小玉輦輿有三一曰五色輿二曰常平輿三曰腰輿大駕鹵簿先五輅以行

唐大駕鹵簿天子將出前二日大樂令設宮縣之樂於庭晝漏上五刻駕發前七刻擊一鼓爲一嚴前五刻擊二鼓爲再嚴侍中版奏請中嚴有司陳鹵簿前二刻擊三鼓爲三嚴諸衛各督其隊與鈇戟以次入陳殿庭通事舍人引羣官立朝堂侍中中書令以下奉迎於西階侍中負寶乘黃令進輅於太極殿西階南向千牛將軍

一人執長刀立輅前北向黃門侍郎一人立侍臣之前贊者二人既外辦太僕卿攝衣而升正立執轡天子乘輿以出降自西階曲直華蓋警蹕侍衛千牛將軍前執轡天子升路太僕卿授綏侍中中書令以下夾侍黃門侍郎前奏請法駕動警蹕鼓傳音黃門侍郎與贊者夾引而出千牛鑾駕動警蹕鼓傳音黃門侍郎與贊者夾引而出千牛將軍夾路而趨駕出承天門侍郎乘馬奏駕少留敕侍臣乘馬侍中前承制退稱制曰可黃門侍郎退稱侍臣乘馬贊者承傳侍臣皆乘侍衛之官各督其屬左右翊駕在黃麾內符寶郎奉六寶與殿中後部從在黃鉞內

侍中中書令以下夾侍輅前贊者在供奉官內侍臣乘

畢侍郎奏請車右升侍中前承制退稱制日可侍郎復

位乘牛將軍升侍郎奏請發導駕先萬年縣令次京兆

牧次太常卿次司徒次御史大夫次兵部尚書自縣令以下並

正道威儀各乘輅其次清遊隊白澤旗分左右各一人執二人引

鹵簿各依本品給之

二人金吾折衝二人各領四十騎次金吾大將軍二人

夾也戎服分左右分左右各二人執纛稍騎從次金吾果毅二人領虞候

十八騎夾道單行分次外鐵甲飲飛二十四騎並行分

左右引導黃麾仗也左右廂各六重左次朱雀旗一騎執二騎引金吾折衝都尉一

人領四十人執橫刀次龍騎十二各一騎執並戎服被

旗前二人騎為二重引前每旗後亦二人護次指南車

後副竿二分左右又金吾果毅二人騎領也

次記里鼓車次白鷺旗車十二旗次辟惡車次皮軒車

並駕四馬駕士各重二人並行正道騎十四人匠一人

次引駕十二重帶橫刀白皮軒車後勻布至細仗前一重弓箭

相間金吾果毅一人檢校次鼓吹令二人次柷鼓十二

面金鈺十二面次大鼓百二面次長鳴百二十具次饒

鼓十二面歌簫笳各二十四次大橫吹百二十具節鼓

二面笛簫篳篥笳桃皮篳篥各二十四次柷鼓十二面

金鈺十二面次小鼓百二十面次中鳴百二十具次羽

葆鼓十二面歌簫笳各二十四自前柷鼓以下工人皆

每鼓皆二人夾每隊皆自副並騎分左右橫行有主帥五人以上統領次殿中侍御史二人次黃麾一

人執騎夾二人次太史令一人次相風轡舉士八人次柵鼓金鉦

各一司辰一人典事一人刻漏生四人分左右次行漏

輿正道匠一人舉士四十人次鈹戟前隊左右武衛果毅各一人

騎騎分次天色繡幡一次金節十二次罕畢各一左罕

次朱雀幄一次左青龍幢右白虎幢各一次導蓋一又

次稱長一次鈹戟各百四十四人分左右也次左右衛將軍各一次

御馬二十四匹分左右也次尚乘奉御二人分次左青龍旗右白

虎旗各一左右衛果毅各一人各領三十五人騎分左右次通事舍

人八人騎分左右次侍御史二人次御史中丞二人次御史二

人次拾遺二人次補闕二人並騎左右次起居郎一人次起

居舍人一人左右次諫議大夫二人左右次給事二人在左次黃門

侍郎二人左右次中書侍郎二人左右次左散騎常侍二人左右次右

散騎二人左右次侍中二人左右中書令二人在右自通事舍人

步次香燈一次左右衛將軍各一人左右次班劍儀刀左右

十二行人也次左右衛郎將各一人領散手翊衛三十人橫

也次左右驍衛郎將各一人各領翊衛二十八人甲騎

均布曲折次左右衛供奉中郎將四人領親勳翊衛四

至後門騎分次左右衛玉輅青質玉飾駕青駮六祭祀納后則

牛將軍一人左右次左右衛大將軍各一人次千牛將軍一人

中郎將二人分左右次千牛備身分左右騎次御馬二

匹次左右監門校尉各一人內檢校次牙門二人執次

左右監門校尉各十二人騎行仗頭各一人次左右驍

衛翊衛各三隊每隊三十五人並帶稍弩箭橫刀相間

各將軍一人領執飛黃旗第三次左右衛夾轂廂各六

隊各將軍一人領執吉利旗次大繖二在牙門後次孔雀扇各

四隊一人果毅一人檢校也次腰輿一次小團扇四次方扇十二花蓋次大

輦尚輦奉御二人殿次諸司侍奉官二人分左次御

馬二十四匹次尚乘直長二人分左次大繖二孔

雀扇八夾繖次小扇十二次朱畫團扇十二次花蓋次

睥睨十二次元武幢一次絳麾二次細稍十二次後黃

麾一次殿中侍御史二人騎分次大角百二十具金吾

一人領橫次後部鼓吹羽葆鼓十二面工人十二歌簫

笳各工人二十四次鏡鼓十二面工人各十二歌簫笳

各工人二十四次小橫吹百二十具工人百二十笛簫

篳篥笳桃皮篳篥各工人二十四次芳輦主輦次小

輦主輦六次小輦一奉輦次尚輦直長二人分次

左右武衛五牛旗舉五黃牛旗處內赤青在左各八人

衛隊正各次乘黃令一人丞二人騎分左右次金輅

一人檢校赤質金飾駕赤駟六次象輅黃質以象飾駕黃次革輅

青質鞵以革駕白駱六巡狩臨次五副輅各駕四馬駕

兵事則乘之各駕士三十二人

人 次耕根車 青質蓋三重駕六馬耕籍 次安車 金飾駕四馬臨

幸則 次四望車 金飾駕四馬拜陵臨弔則 次羊車 駕果乘之

二小吏 次屬車十二駕牛 駕士各八人 次門下中書省祕書

省殿中等局官各一人 並騎分 次黃鉞車 駕二馬駕士十二人 次

豹尾車 駕二馬駕士十二人 次左右威衛折衝都尉各一人 領掩

百人各執大戟刀盾弓箭及 弩各五十人為一行並橫行 次左右領軍將軍各一人

各二人執 次前後左右廂步甲隊四十八隊 前後各二

鑿鎧弓刀盾五色相 次左右廂黃麾仗 廂各十二行並執

弓刀戟盾及孔雀髦鷲毛 左右領軍黃麾仗 首尾廂各

擊雞毛髦等行引十人 左右領軍黃麾仗 五色繡幡

二十口引後 廂各獨揭鼓十二重 黃麾仗外 次左右

衛將軍各一人 驍衛武衛威衛領軍衛各大將軍一人

檢校黃 次受仗左右廂各十八人 廂別二百五十人執

麾仗 每受一 次諸衛馬隊 左右廂各二十四隊從十二旗

折衝果毅一人 檢校前第一隊辟邪旗第五隊黃龍負圖旗

第三隊玉馬旗第四隊三角獸旗第五隊黃龍負圖旗

第六隊黃鹿旗第七隊飛麟旗第八隊駉旗第九隊

鸞旗第十隊鳳凰旗第十一隊飛黃旗第十二隊麟旗

第十三隊角端旗第十四隊赤熊旗次後第十五隊兕旗

第十六隊太平旗第十七隊犀牛旗第十八隊鷄鷄旗

第十九隊驪駒旗第二十隊騶牙旗第二十一隊蒼鳥

旗第二十二隊白狼旗第二十三隊龍馬旗第二十四

隊金 次元武隊 元武旗一人執 金吾折衝一人 領分執

牛旗 次元武隊 元武旗一人執 金吾折衝一人 領分執

稍 次元武隊前大戟隊後當正道執受仗行內置牙門

弩 二人執四人 次牙門左右廂各開五門 門二人執四

一 夾騎分左右 次牙門左右廂各開五門 門二人執四

夾騎分左右 次牙門左右廂各開五門 門二人執四

乾隆十二年校刊 王禮十二

左右第一門在左右威衛黑質步甲隊後白質步甲隊
前第二門在左右衛步甲隊後左右領軍黃麾仗前第
三門在左右武衛黃麾仗後左右驍衛黃麾仗前第四
門在左右領軍衛黃麾仗後左右衛步甲隊前第五門
在左右武衛白質步甲隊後黑質步甲隊前
右自清遊隊以下諸衛將軍並
平巾幘紫襖褱大口袴錦膾蛇金隱起帶弓箭橫刀中
郎將折衝果毅皆平巾幘緋襖褱大口袴錦膾蛇銀梁
金隱起帶橫刀弓箭飲飛執旗人引駕三行並武弁緋襖褱
大口袴供奉並武弁朱衣各一人步從餘文武官及導駕官
並朱衣冠履依本品服其工人駕官並絳衣平巾幘餘
並戎服若法駕減大駕太常卿司徒兵部尚書及白鷺
車辟惡車大輦五副輅安車四望車屬車減四其清遊

隊持鈿隊元武隊皆四分減一諸隊鼓吹皆三分減一
餘同大駕縣令以後御史大夫以前威儀亦三分減一
若小駕又減法駕御史大夫及指南車記里鼓車鸞旗
車皮軒車象輅革輅木輅耕根車羊車黃鉞車豹尾車
屬車小輦小輿諸隊仗及鼓吹各減大駕之半餘同法
駕縣令州牧威儀亦減大駕之半其新製苜文旗雲旗
刃旗肆神幢長壽幢及左右千牛將軍衣瑞牛文左右
衛瑞馬文左右驍衛大蟲文左右武衛瑞鷹文左右威
衛豹文左右領軍白澤文左右金吾辟邪文左右監門
獅子文並繡爲袍文將軍中郎將皆同並冬正大會通

服之文並蘇爲師文將軍中...
宋太祖皇帝建隆四年將郊祀大禮使范質與鹵簿使
張昭儀仗使劉溫叟同詳定大駕鹵簿之制禮儀使陶
穀建議金吾及諸衛將軍導駕及押仗舊服紫衣請依
開元禮各服本色繡袍舊執仗軍士悉衣五色畫衣隨
人數給之有無準式請以五行相生之色爲次黑衣先
之青衣次之赤黃白又次之又大駕五輅各有副車近
代寢廢請依令文增造又按明宗舊圖導駕三引而儀
仗法物人數多周太極鹵簿六引而人數少請準令文
用六引其鹵簿各依本品以給從之舊清遊隊有甲騎

具裝亡其制度穀以其所記造之又作大輦皆率意定
其制規穀又取天文大角攝提旗及北斗旗二十八宿
旗十二辰旗龍墀十三旗五方神旗五方鳳旗四瀆旗
時有貢黃鸚鵡白兔及馴象自來又作金鸚鵡玉兔馴
象旗太祖又詔別造大黃龍負圖旗一大神旗六日旗
一月旗一君王萬歲旗一天下太平旗一獅子旗二金
鸞旗一金鳳旗一五龍旗五凡二十一旗皆有架南郊
用之大黃龍負圖旗陳於明德門前餘悉立於宿頓宮
前遇朝會冊禮亦皆陳於殿庭凡馬步儀仗悉用禁軍
大將軍將軍以軍主都虞候攝事中心郎將都尉以指揮

使副指揮使攝事校尉主帥以軍使副兵馬使都頭副都頭十將攝事

乾德三年蜀平命右拾遺孫逢吉收僞法物之不中度者悉毀之始令改畫衣爲繡衣至開寶三年而成謂之繡衣鹵簿其後郊祀皆用之軍衛羽儀自是寢盛其後令有司以絹畫爲圖凡三幅中幅車輅六引及導駕官外兩幅儀衛其警塲青城又別爲圖圖成以藏祕閣凡仗內自行事官排列職掌并捧日奉宸散手天武外步騎一萬九千一百九十八人此盛極也

玉輅之制箱上置平盤黃屋四柱皆油畫刻鏤左青龍右白虎龜文金鳳翅雜花龍鳳金塗銀裝間以玉飾頂輪三層外銀耀葉輪衣小帶絡帶並青羅繡雲龍周綴緞帶羅文珮銀穗毬小鈴平盤上布黃褥四角勾闌設圓鑑翟羽虛櫃內貼銀鏤香罨軾匱銀龍二銜香囊銀香爐香寶錦帶下有障塵青畫輪轅銀轂乘葉三轅銀龍頭橫木上有銀鳳十二左建青旂十有二旒皆繡升龍右載闕戟繡蔽文並青繡綢杠又設青繡門簾銀飾梯一托叉二推竿一銀踏頭銀裝行馬青繒裏索駕六青馬馬有金面插鷗羽鞞纓攀胷鈴拂青繡屣錦結尾又誕馬二在輅前飾同駕馬

餘輅及副輅皆有之駕士六十四人

太僕所藏玉輅自唐顯慶中傳之至宋號顯慶輅親郊則乘之其制度精巧其行止安重後載太常與闕戟分左右以均輕重世之良工莫能爲之者

沈氏筆談曰大駕玉輅唐高宗時造至今進御自唐至祖宗時凡三至泰山登封其他巡幸莫記其數至今完壯乘之安若山嶽以措杯水其上而不搖慶歷中常別造玉輅極天下良工爲之乘之動搖不安竟廢不用元豐中復造一輅尤極工巧珠寶之飾旣成以正旦大朝會宿陳於大慶殿庭車人先以幕屋覆之將旦徹屋忽其上一木墜盡壓

而碎人以爲異自後只用唐輅其穩利堅久歷世不能窺其法世傳有神物護之若行諸輅之後則隱然有聲

紹興十二年命工部尚書莫將等製造玉輅以天禧宣和鹵簿及工匠省記制度參酌取文質適中之制玉輅青飾輅頂天輪三層塗以綠青羅爲衣繡雲龍於上上層一重下層三重每重綴鍍金小鈴三層飾以玉耀葉八十一用青玉爲之以金鍍銀鏤龍文置於中兩旁有金花插天輪之周圍形如蕉葉輪旁有鐵圓筒耀葉之下皆有二鐵簪入筒中繫以青帶圍以輪又青羅兩長幅表

裏繡雲龍自輅頂交於四角分垂至輅臺下謂之絡帶
或遇雨覆以黃絹油衣輅之中其頂中虛繡寶蓋鬪以
八頂飾以八金龍用香檀木爲之御座居中純用香檀
不飾他物取黃中正色也座之左右金龍首銜珠穗毬
一中兩龍間一大火珠乘以金蓮花臺座之引手亦飾
金龍倚背及座皆以金銀絲織成紋錦曲几憑以爲用
軾者
香檀覆以錦褥御座後垂錦簾駕登輅則捲之有梯級
以登飾以金綵雲龍每級皆覆以錦褥東偏小梯級執
綏官由此先登以紅繩維其前立於東柱以備顧問輅
身四柱皆飾以金前兩柱各有大金龍纏於上傍有珠

穗毬二輅臺中外皆設錦褥臺之外前有橫案謂之香
檀設金鑪一金香合二立金鳳十二於前案外有金纏
龍燭臺二以金覆蓮葉足案前裙板有四金龍間玉方
勝以明青表而出之前有牌篆書玉輅二字以玉爲之
有結子繫金鳳之足旁有二金絲線結八垂牌垂之兩
傍中有玉連環結子正垂牌上玉環碾二龍輅之四面
周以欄而闕其中以備登降每面於兩欄之角用玉蹲
龍一各有金圓照二分置左右玉羽臺一居中羽臺插
孔雀羽五枝以辟塵四面其數凡八圓照倍之圓照名
日照焰插以鐵簪繫以繡帶如耀葉之飾輪衣下垂纓

帶間以玉珮緹帶染犛牛尾為之五色間焉覆綴以鍍金鈸鈴每垂各

六與玉珮間設周圍數各十二輅下有蹲龍十六以金鍍銀為之在虛盤四圍之兩旁有托角雲龍四金彩為飾前後左右各二又有一字小欄飾以金伏於輅下有朱圓木橫陳於前在托角雲龍之內輅前有轅木固以筋膠飾以金碧昂首鱗體如龍之狀皆飾以金龍首之上有兩橫竿青絲繫之前曰鳳轅飾以青列立鳳十二六馬載以行次曰推轅綠色黑文衛士推之以助馬力其橫設轅後曰壓轅亦青飾衛士壓其後欲取其平左右冒以金龍其輪三歲一易心用榆木束以鐵圈掩以

金鍍銀輅下橫貫圓木為軸冒以金筒梗以金蹲龍簪夾兩輪輪文皆彩繪其輻飾以金花葉衛士左右各六十人以青絹裹大索鉤於軸首而手入軸旁金環引之而前各以青索置扇上外有副輪二以為備輅後飾亦如之立鳳轅下六青馬四在轅內二在轅外又有六馬以備番用馬首被銅面其額以畫獸銜以鐵牛革裏青絹表鍍金銅飾之其背屣表以綠錦裏以絹絹裹氈六鈴七鈸置之兩旁其領下青纓曰綽頰覆以金鈸每馬各一未閱試兩月以青車肄習使馬習而不懼新輪既成載鐵車上自三千斤積至萬斤畢無蠅聲試可乃輅之所止有行馬二飾以彩綠淳熙十二年修玉輅及大輦四柱紹熙二

年修五輅
易車軸

左建太常十二旂繡日月五星右龍旂職掌

駕士二百三十八人服平巾幘絹抹額羅繡對鳳袍皆以青緋羅繡對鳳襖又羅抹帶絹袴襪麻鞋皆青色青驄馬三十匹執綏官一員捧輪將軍四人呵唱二人前後攔馬各九人踏道二十二人轅馬十二人誕馬十二人抱轅墜轅各六人正副托叉各四人把棒四人小梯二人香匙剪二人紅軸頭二人推杆四人刮輪四人龍頭二人燭臺二人靜席二人左右索各六十一人職掌五員教馬二人車子官健八人蓋覆儀鑾司五人千牛衛上將軍二員抱龍旂太常六員進馬四員牧馬三十

人香燈睥睨一香案三十人排列官一員

凡玉輅丈尺飾視承平所

用顯慶輅輅多不同蓋出省記增減也

金輅色以赤駕六赤馬駕士六十四人象輅色以淺黃駕六赭白馬駕士四十人革輅色以黃駕六騮馬駕士四十人木輅色以黑駕六黑騮馬駕士四十人自金輅而下其制皆同玉輅惟無玉飾副玉輅副金輅副象輅副革輅副木輅並駕六馬駕士四十人當用銀飾者皆以銅餘制如正輅元豐初禮文所言近制金輅不以金飾諸末象輅不以象飾諸末革輅不鞞木輅不漆請改飾四輅又古者五輅皆載旗謂之道德之車考工記車

戟崇於笏酋矛崇於戟各四赤戟矛皆插車騎謂之兵車戟國尚武故增插四戟謂之闕戟則知德車武車固異用矣漢鹵簿前驅有鳳凰闕戟猶未施於五輅江左以來五輅乃加棨戟於車之右韜以黻繡之衣後周司輅左建旗右建闕戟闕戟方六赤而被之以繡皆戾於古請去五輅闕戟以應道德之稱而建太常於車後之中央升輅則由左又按周禮大馭掌馭玉輅以祀則祀乘玉輅也齋僕掌馭金輅齋充金輅之右則齋乘金輅也齋祀之車異用而不相因國朝親祠太廟致齋文德殿畢翼日卽進玉輅非是請進金輅俟太廟祀畢翼日

御玉輅詣郊又言法駕之行必有共輿者蓋以承清問袁盎曰天子所與共六尺輿皆天下豪俊此漢用古制也周官有太僕齋僕道僕所以御車至驂其乘則其禮益重故道德之車則有齋右道右武車則有戎右皆以士大夫爲之國朝之制乘輿有太僕而無驂乘請增近臣一員立車右其後詔增制五輅及驂乘玉輅建太常金輅建太旗象輅建太赤革路建太白木輅建太麾諸輅之副各次正輅仍有闕戟焉

中興後金輅之制黃飾建大旆九旂繡升龍輅脾一金鍍銀耀葉八十一輪衣一繡絡帶二頂雲龍纓帶十有

二玉珮十有二金絲結穗毬二金絲結綬一長轅金鍍銀龍頭二上有金鍍銅立鳳十有二車枕上金鍍銅座一金鍍銅套筒十金鍍銀鈹面四金鍍鑪一金鍍銀香寶二并匙金鍍銀立羽臺八御座褥子一有黃絹帕三箱周廻葉段正輪輻一副輪軸轆頭鈹面各二轂輻葉各二百四十建竿二流蘇結二并鐸輓簾一并鈹遮環踏道一并褥行馬二并罨頭小托义二車箱行道褥一馬飾十有二馬面轡頭攀背腹帶包髮尾錦履綽頰職掌駕士一百五十六人服色以黃黃馬三十匹四輅下駕輅馬共一百二十匹蓋覆儀鑿共六人前後攔馬各五人踏道六人轅馬六人誕馬六人抱轅

墜轅各四人正托义四人把棒四人椎杠二人靜席二

人左右索各五十一人職掌呵唱二人教馬二人車子

官健二人象草木三輅人數並同四輅無千牛衛上將軍抱龍旂進馬官香燈睥睨排列官職掌等

象輅朱飾建大赤七旂繡鳥隼儀物同職掌駕士一

百五十六人服色以赤駢馬三十匹革輅銀褐飾建

太白六旂繡熊虎儀物同上職掌駕士一百五十六人服色

以銀褐白馬三十匹木輅黑飾建大麾四旂繡龜蛇

儀物同上職掌駕士一百五十六人服色以黑驪馬三十匹

大輅徽宗政和六年徐秉哲言南北郊皇帝乘玉輅以

赴齋宮自齋宮赴壇正當祀天地乃乘大輦疑非禮意

下禮制局討論於是議造大路如玉輅之制唯不飾以玉樊纓一就以尚質又制大旂十有二旒龍章而設日月建於大路之上以象天大路大輿陳列於門輦逍遙平輦之前禮畢還宮則御大輦

耕根車漢制如副車有三蓋一曰芝車置轡耒耜之簾上親耕所乘桓譚謂揚雄曰君之為黃門郎居殿中數見輿輦玉爪華芝及鳳凰三蓋之屬皆元黃五色飾以金玉翠羽珠絡錦繡茵席者晉因之駕駟天子親耕所乘置耒耜於軾上一名三蓋車宋因之隋以青為質三重蓋羽葆雕裝同玉輅駕六馬其軾平以青囊盛耒耜而加之籍田則乘之唐因隋其飾不易大駕行則備焉宋制如

五輅之副駕六青馬駕士四十人

進賢車古安車也周制致仕之老及后乘之漢制乘輿

金根安車立車蔡邕曰五安五立徐廣曰立乘曰高車坐乘曰安車是為德車五

時車安立亦皆如之各如方色馬亦如之建大旂十有

二旒駕六馬餘皆駕四皇太子皇子公列侯皆乘之自

漢以後亦為副車晉制因之天子所御則駕六餘並駕

四三公下至九卿各一乘公駕三特進駕二卿駕一宋

因之齊制諸王三公國公列侯等行禮則乘之隋制金

飾紫通幟朱裏駕四馬臨幸及弔則供之唐制以金飾

駕四馬臨幸則乘之大駕出在耕根車後宋乾德時改

赤質兩壁紗窗擎耳虛櫃一轅緋幃衣絡帶門簾皆繡
鳳紅絲網中設朱漆床香案紫綾案衣緋繒裏鞵索朱
漆行馬凡車皆有駕四馬駕士二十四人

明遠車古四望車齊制通幃油幢絡班漆輪轂亦曰阜
輪以加貴臣隋制同犢車黃金飾青油幢朱裏紫通幃
紫絲網駕一牛拜陵臨弔則乘之唐制以金飾駕四馬
拜陵臨弔則乘之大駕出在安車後宋初駕以牛後改
仍駕四馬赤質制所屋重欄勾闌上有金龍四角重銅
鐸上層四面垂簾下層周以花轅三板駕士四十人
羊車晉制一名輦上如輅伏兔箱漆畫輪武帝泰始中

羊琇乘司隸糾罪免官齊依之因制漆畫牽車小形如
輿金塗縱容錦衣箱裏隱漆後戶牙蘭轅枕後捎幃竿
代棟梁皆金塗鉸飾御及皇太子所乘之梁因制羊車
亦名輦上如輅小兒衣青布袴褶五瓣髻數人引之貴
賤通得乘之名牽子也隋大業始置焉金寶飾紫幃朱
絲網童子二十人皆兩環髻服青衣年十四五者乘之
謂之羊車小吏駕果下馬其夫如羊唐因之小吏十四
人宋亦爲畫輪車駕以牛隨駕以果下馬赤質以二兩
壁畫龜文金鳳翅緋幃衣絡帶門簾皆繡以瑞羊童子
十八人景祐中賈昌朝言大駕鹵簿有羊車前列案羊

車本漢晉時乘於後宮隋唐以來遂爲法從國朝因循未改竊以郊祭天地廟見祖宗車服所陳動必由禮至於四望耕根之屬兼包歷代豈容後宮所乘參陪五輅欲望大駕不用羊車所冀肅恭稽合典禮

指南車黃帝與蚩尤戰於涿鹿之野蚩尤作大霧將士

皆迷四方黃帝於是作指南車以示方故後常建焉出崔

豹古周致太平越裳氏重譯來獻使者迷其歸路周公

爲司南之制使載之南周年至國故常爲先導示服遠

人而正四方車法具在尚方故事其制未詳後漢張衡始復創造漢末

喪亂其制不存魏明帝青龍中令博士馬鈞紹而作焉

車上有木仙人舉手常指南車箱迴轉所指微差晉亂

復亡東晉義熙十三年劉裕平長安始得此車復修之

一名司南車駕駟其下制如樓三級四角金龍銜羽葆

刻木爲仙人衣羽衣立車上車雖迴運而手恒指南大

駕出行爲先啓之乘此車戎狄所制機數不精迴曲頻

驟猶須人力正之范陽人祖冲之有巧思常謂宜更造

宋順帝昇明中東齊高帝爲相命冲之造焉車成使撫

軍將軍丹陽尹王僧虔等試之其制甚精百屈千迴未

嘗移變齊因宋制加飾四周箱上施屋指南人衣裙襦

天衣在箱中上四角皆施龍子干懸雜色真孔雀毼布

阜複幔駕牛皆銅鈹飾梁復名司南車大駕出為先啓
 之乘後魏太武帝使工人郭善明造之彌年不就扶風
 人馬岳又造垂成善明醜殺之唐修之備於大駕行則
 先導宋一名司馬車赤質兩箱畫青龍白虎四面畫花
 鳥重臺勾闌鏤拱四角垂香囊上有仙人車雖轉而手
 恒指南一轅鳳首駕四馬駕士三十人天聖五年燕肅
 復創意造之其法用獨轅車箱外籠上有重構立木人
 尺圍一丈八尺附足立子輪二徑二尺四寸圍七尺二
 寸齒各二十四齒間相去三寸轅端橫木下立小輪二
 其徑三寸鐵軸貫之左小平輪一其徑一尺二寸齒十二中心大平輪一
 二右小平輪一其徑一尺二寸齒十二中心大平輪一
 其徑四尺八寸圍一丈四尺四寸齒四十八齒間相去
 三寸中立貫心軸一其高八尺徑二寸上刻木為人其

車行木人南指若折而東推轅右旋附右足子輪順轉
 十二齒擊右小平輪一匣觸中心大平輪左旋四分之一
 一轉左足子輪隨輪順轉十二齒擊左小平輪一匣觸
 旋附左足子輪隨輪順轉十二齒擊左小平輪一匣觸
 中心大平輪右轉四分之一轉十二齒擊左小平輪一匣觸
 木人交而南指若欲北行或東或西轉亦如之徽宗
 大觀元年內侍省吳德仁又獻指南車之制其制身一
 寸五分闊九尺五寸深一丈九寸車輪直徑五尺七寸
 車轅一丈五寸車箱上下為兩層中設屏風上安仙人
 一執仗仗左右龜鶴各一童子四各執纓立四角上設關
 一執仗仗左右龜鶴各一童子四各執纓立四角上設關
 振臥輪一十三各徑一尺八寸五分圍五尺五寸五分
 出齒三十二齒間相去一寸八分中心輪軸隨屏風貫
 下齒三十二齒間相去一寸八分中心輪軸隨屏風貫
 丈一尺四寸出齒一平輪各百齒間相去一寸二分五釐通上
 左右起落二小平輪各百齒間相去一寸二分五釐通上
 三尺三寸出齒一平輪各百齒間相去一寸二分五釐通上
 輪各一徑一尺五寸五分圍四尺六寸五分出齒二寸
 四齒間相去二寸五分圍四尺六寸五分出齒二寸
 一寸圍六尺三寸出齒三寸五分圍四尺六寸五分出齒二寸

乾隆十二年校刊

考工記卷之二十一

十一

輪各徑一尺二寸圍三尺六寸出齒三十二齒間相去一寸一分左右車脚上各立輪一徑二尺二寸圍六尺六寸出齒三十二齒間相去一寸二分五釐左右後轆各小輪一齒繫竹篋并索在左右軸遇右轉使右轆小輪觸落左輪行仙童交而指南車成

記里鼓車東晉安帝義熙十三年劉裕滅後秦所獲未

詳其所由來制如指南車駕駟中有木人執槌向鼓行

一里則打一槌崔豹古今注云亦名大章車所以識道里下一層擊鼓行十里上一層擊錘宋因之不易大駕

尚方故事有其作法然亦未詳之

鹵簿次指南車後齊因宋制飾加華蓋子襟衣漆畫鼓

機皆在內也梁因齊制改駕以牛唐復修大駕鹵簿次

指南車後宋一名大章車赤質四面畫花鳥重臺勾闌

鏤拱行一里則上層木人擊鼓十里則次層木人擊錘

一轅鳳首駕四馬駕士三十人天聖間內侍盧道隆上

記里鼓單之制其制獨轅雙輪箱上為兩重各刻木為

一周而地行地三步以古法六尺為步三百步為里

今法五尺為步三百六十步為里立輪一附於左足較

一尺三分八分圍四尺一寸四分出齒十八齒間相去

二寸三分八分圍四尺一寸四分出齒十八齒間相去

寸二分出齒五十四齒間相去與附立輪同立貫心軸

一其上設銅旋風輪一出齒三齒間相去寸二分中立

平輪一其徑四尺圍丈二尺出齒百齒間相去與旋風

等次設小平輪一其徑三寸少半寸圍一尺出齒十齒

間相去一寸上平輪一其徑三寸少半寸圍一尺出齒

百齒間相去與小平輪同其中平輪轉一周車行一里

擊錘凡用大小輪八合二百八十五齒遞相鈎鑠周而

復始詔皆以其法大觀元年内侍省吳德仁獻記里鼓

乾隆十二年校刊

王禮十一

三

車之制 其法車箱上下為兩層上安木人二身各手執木槌輪軸共四內左壁車脚上立輪一安車箱

內徑二尺五分又平輪一徑四尺六寸五分齒間相

去三寸三分五釐又平輪一徑四尺六寸五分齒間相

三尺九寸五分出齒六十齒間相去二寸四分以上平

輪相通軸貫上徑二尺八寸圍一丈一尺出齒一百齒

齒三相去一寸二分立軸一徑二寸二分圍六寸六分出

又木橫軸上關振撥子各一其於車脚轉

一百遭通輪軸轉周木人各一擊鉦鼓

白鷺車隋制一名鼓吹車車上施層樓樓上有翔鷺棲

焉唐因之駕四馬大駕出在記里鼓車後宋制赤質周

施花板上朱柱貫五輪相重輪衣以緋皂頂及緋絡

帶立繡飛鷺柱杪刻木為鷺銜鷺毛笛紅綬帶一轅駕

四馬駕士十八人宣和元年禮制局言舊鹵簿記有白

鷺鷺旗皮軒三重其制非古按曲禮曰前有水則載青

旌前有塵埃則載鳴鳶前有車騎則載飛鴻前有士師

則載虎皮前有鷲獸則載貔貅萬乘一出五車必載所

以警眾也青旌鳴鳶飛鴻貔貅乃以白鷺鷺旗雜陳其

間未為合禮今欲改五車相次於中道繼之以崇德車

於是為備 青旌車赤質曲壁中載青旗以絳帛為之畫

青鳥於其上鳴鳶車赤質曲壁中載鳴鳶於旌

以絳帛為之畫飛鴻於其上飛鴻車赤質曲壁中載飛

鴻旌以絳帛為之畫飛鴻於其上虎皮車赤質曲壁中

載虎皮旌絳帛為之緣以赤畫虎皮於上貔貅車赤

質曲壁旌絳帛為之緣以赤畫貔貅於上其轅皆一

鷺旗車漢制為前驅編羽旌列繫幢旁 胡廣曰以銅作

晉宋因之駕四馬先路所載唐備於大駕鹵簿次白鷺

車後宋制赤質曲壁一轅上載赤旗繡鸞鳥駕四馬駕
士十八人宣和中禮制局言三車非古制改五車事見白鷺

下車

崇德車秦名爲辟惡車上有桃弧葦矢以禳祓不祥太

僕令一人在車前執弓箭

出崔豹古今注

唐制駕四馬大駕出

在鸞旗車後宋制赤質周施花板四角刻辟惡獸中載
黃旗亦繡此獸太卜署令一人在車中執旗駕四馬駕
士十八人宣和初禮制局言記曰前巫而後史傳曰桃
弧棘矢以供禦王事請以巫易太卜弧矢易辟惡獸從
之

皮軒車漢前驅車以虎皮爲軒取曲禮前有士師則載
虎皮之義晉宋相因駕四馬皆大夫載自後無聞唐備
之大駕鹵簿次於辟惡車後宋制赤質曲壁上有柱貫
五輪相重畫虎文駕四馬駕士十八人宣和初禮制局
言三車非古制改五車事見曰鷺車下

黃鉞車漢制乘輿建之在大駕後晉黃鉞車駕一馬大
駕行次於華蓋後御麾左右又有金鉞車金鉦車並駕
三馬唐備於大駕鹵簿天寶初改爲金鉞車宋制赤質
曲壁中設金鉞錦囊綢杠左武衛隊正一人在車中執
鉞駕兩馬駕士十五人

豹尾車周制象君子豹變又以尾者言謙也古者軍正建之崔豹古注云漢制大駕出屬車八十一乘法駕出屬車

三十六乘最後一乘豹尾以前比之省中

胡廣曰施於道路豹尾之內

內爲省中

晉因之在鹵簿末宋制徐廣按淮南子云軍正執

豹皮以正其衆禮記曰前有士師則載虎皮乘輿豹尾以其義類唐制大駕出在黃鉞車後駕二馬右武衛隊正一人在車執之宋因之制同黃鉞車上載朱漆竿首綴豹尾右武衛隊正一人執之駕兩馬駕士十五人屬車一曰貳車一曰左車秦制大駕屬車八十一乘法駕三十六乘漢法駕用三十一乘小駕用十二乘隋制

大駕三十六法駕十二小駕不用唐大駕唯用十二乘宋因之其制黑質兩箱輿裝前有曲闌金銅飾上施紫通幟絡帶門簾皆繡雲鶴紫網幘鍔每乘駕三牛駕士十人元豐初詳定禮文所言周戎右職曰會同充革車儀禮曰貳車畢乘禮記曰乘君之乘車不敢曠左右必式蓋古者後車餘路必使人乘之不敢曠空所以別曠左之嫌也詩曰命彼後車謂之載之是也自秦兼九國車服西漢因之大駕屬車八十一乘後漢制云尚書御史所載揚雄云鴟夷國器託於屬車張衡曰屬車之簞載獫狁獠則是漢之屬車非獨載人又以載物亦儀禮

所謂畢乘之也宋朝鹵簿車十二乘虛設於法駕之後
實近曠左之嫌請尚書御史乘之或以載乘輿服御從
之

大輦歷代之制已見前宋制大輦赤質正方油畫金塗
銀葉龍鳳裝其上四面行雲龍朶火珠方鑑銀絲囊網
珠翠結條雲龍鈿窠霞子四角龍頭銜香囊頂輪施耀
葉中有銀蓮華座龍紅綾裏碧牙壓帖內設圓鑑銀絲
香囊銀飾勾闌臺座紅絲條網幘錯中施黃褥置御座
扶几香爐錦結綬几衣輪衣絡帶並緋繡壓金銀綫長
竿四銀裏鐵銅龍頭魚鈎錦膊褥銀裝畫梯托叉黃羅

緣席褥吧梯杖褥朱索緋繒油吧主輦六十四人親祀
南郊謁太廟還及具鑾駕黃麾仗省方還都則乘之大
中祥符初東封舊輦太重遂命別造凡減去七百餘斤
後常用焉紹興十三年更製大安輦赤質正方油畫金
塗銀龍鳳裝朱漆大輪一金塗銀頂龍一四面施行龍
一十六火珠四方鑑銀絲囊網珠翠結條雲龍鈿窠霞
子四角龍頭四真珠結穗毬一十二頂輪施塗金銀耀
葉銀盤紅羅輪衣一綴銀鈴紅羅絡帶二中設御座檀
香雕木龍椅靠背上水晶珠梅紅絲裙網象牙滴子曲
几錦褥絹畫裏外龍水屏風香爐結綬長竿四飾以金

塗銀龍頭奉輦四百六十人為五番每番九十二人祀畢車駕還

內不用金輅則乘之淳熙十二年新製踏道增其尺寸舊例五番四十八人今添三十人及

副都大人員一人服五色武弁冠黃羅繡對鳳袍黃羅勒帛紫羅生色袒帶紫絹行膝對文德殿發

冊尚輦陳於西階下東嚮隆興元年禮官請大輦權不陳設

芳亭輦黑質頂如幕屋緋羅衣裙欄絡帶皆繡雲鳳兩

面朱綠蔥花鈹外施紅絲網金銅盼踏前後垂簾下設

牙牀勾闌長竿四銀龍頭銀飾梯行馬主輦一百二十

人

鳳輦赤質頂輪有三柱緋羅輪衣絡帶門簾皆繡雲鳳

頂有金鳳一兩壁刻畫龜文金鳳翅前有軾設香爐香

寶結帶下有勾闌二重長竿三銀飾梯行馬主輦八十

人法駕鹵簿不設

逍遙輦以櫻欄為屋赤質金裝朱漆竿版各一金螭頭

金裹魚鈎各四朱漆柄托义二金絲坐褥扶版踏牀褥

飾以紅花羅錦踏牀褥一襯褥十六金鍍銀裝行馬二

朱漆踏牀二促塵版輓屏風紅花羅錦金屏風護泥屏

各一舊云逍遙子高宗紹興七年重製詔務令樸素乾道

九年以後殿門卑小逍遙輦出入有礙令工部照輦院

丈尺重修殿門御輦院官舊制二千六百三十人紹興

十二年詔以一千人為額供御營三百人乾道一

百五十人下都營六百五十人後減為九百人乾道六

次供御一百三十人下都三百五十人

乾隆十二年校刊

王禮十一

三

平頭輦制如逍遙輦而無屋

真宗造登封輦今平頭輦制因此

金螭頭

四金裝朱漆扶版竿各二雲版座各一金畏魚鈎四褥飾以紅花羅錦踏牀褥一檀香促塵版一護泥屏一舊制輦官十二人服同逍遙輦紹興十六年親耕服履袍乘之隆興初詔制平輦及條衣褥郊祀禮畢用之小輦赤質頂輪下施曲柄如蓋緋繡輪衣絡帶制如鳳輦而小下有勾闌牙牀繡瀝水中設方牀緋羅衣錦褥上有小案坐牀皆繡衣踏牀緋衣前後長竿二銀飾梯行馬奉輿二十四人

七寶輦隆興二年正月詔御輦院令京師舊輦官省記

昨進道君皇帝七寶輦之制下有司製造更爲美名以進德壽宮禮官言七寶輦高五尺一寸廣二尺七寸深三尺六寸竿長二丈一寸扶版二朱紅漆絲織紅百花行龍藍瀝水升龍朱漆踏牀一紅百花團龍覆之百花大團龍褥一紅羅銷金百花團龍座一朱漆踏牀一鍍金銀火踏一純金裝釘行馬一對托叉一以朱漆之比大輦制度內耀葉并角龍蓮盤頂龍並塗金真珠結穗毬龍水屏風御座用香檀木龍椅靠背金焰水晶珠梅紅絲裙網牙象滴今欲比大輦平輦用珠靠背龍頭引手玉龍頭并玉轉身捧珠龍其角龍鐸等並純金詔如

其式內裙網用七寶裝綴太上皇帝曰儀衛已隨時增
益輿輦不須別造况多事之時國用方殷不宜虛費遂
止自是上皇每至大內多乘馬間至湖上則用肩輿蓋不欲煩民也

腰輿前後長竿各二金銅螭頭緋繡鳳裙襪上施錦褥
別設小牀緋繡花龍衣奉輿十六人

香蹬唐制也朱漆案緋繡花龍衣上設金塗香爐燭臺
長竿二輿士八人金塗銀火鐐香匙副之

象漢鹵簿最在前晉平吳後南粵獻馴象作大車駕之
以載黃門鼓吹數十人使越人騎之以試橋梁宋朝鹵
簿以象居先設木蓮花座金蕉盤紫羅繡襜絡腦當胷

後鞦並設銅鈴杏葉紅犛牛尾拂跋塵每象南越軍一
人跨其上四人引並花脚幘頭緋繡窄衣銀帶
五牛旗依方色皆小輿上刻木爲牛背插旗錯采爲牛
旗竿上有小盤衣及輿衣亦並繡牛形輿士各四人
相風烏輿上載長竿杪刻木爲烏垂鵝毛筩紅綬帶下
承以盤周以緋裙繡烏形輿士四人

交龍鉦鼓輿各一皆刻木爲二青龍相交下有木臺長
竿一挂畫鼓一挂金鉦上皆有緋蓋亦繡交龍輿士各
二人

鐘鼓樓各一本隋大駕鐘車鼓車也皆刻木爲屋中置

鐘鼓下施木臺長竿如鉦鼓輿輿士各二十四人
行漏隋大業行漏車也制同鐘鼓樓而大設刻漏如桶
衡首垂銅鉞末有鉞象漆櫃貯水渴烏注水入鉞中長
竿四輿士六十人

十二神輿赤質四門旁刻十二辰緋繡輪衣絡帶輿士
十二人

自鉦鼓以下舊禮令無文皆開寶定禮所增

旂常之制自漢以來制度殘缺唐禮五輅皆左建龍旂
右載闕戟譌謬滋甚元豐改定郊廟禮文五輅所載悉
如巾車之職又以闕戟非古政和間禮官請玉輅以太

常大旂建於左右而去闕戟厥後郊廟五輅及副車皆
建太常一日並出觀者駭焉至是造五輅悉倣周禮之
制玉輅後左太常繡日月星辰右龍旂繡交龍皆用青
羅表裏文繡下有網鬚謂之莛頭用青飾建竿插於輅
後兩柱傍金環之內竿首飾以鍍金螭頭垂以金鉞青
纓各六謂之旒繡竿以桐木剖竹外護固以筋膠布以
漆飾以青藻旗勢稍重六人各執義托之以助旗力旗
皆錯采爲之漆竿鑱首纛頭錦腰火燄脚白澤攝提金
鸞獅子天下太平君王萬歲及在步甲前後隊後馬隊
三隊六軍儀仗內並以赤日月及合璧連珠五星二十

八宿祥雲並以青北斗以黑五嶽四瀆五方五神十二辰五龍五鳳龍虎君並以方色天王以赤黃二色排攔以黃紫赤三色大黃龍負圖旗舊畫八卦政和禮局改畫爲河圖九一三七二四六八五之數中興後增製華旗各以瑞物績形其上

阜纛本後魏纛頭之制蓋旄頭之遺象制同旗無文采去纛首六脚 爆稍擊聲也一云象爆牛善鬪唐金吾將軍執之宋朝制如節有袋上加碧油常置朝堂車馬鹵簿出則八枚前導又衛司爆稍四牙門旗古者天子出建大牙宋朝制赤質錯采爲神人象中道前後各一門左

右道五門門二旗蓋取周旌旗門及天子五門之制中興後中道前後門旗各二左右道五門各四 繖古者張帛以避雨今有方繖大繖皆赤質紫表朱裏四角銅螭首六引內制差小紹興九年詔後殿射殿引呈公事日景已高作衛清涼繖十從舊制也 蓋本黃帝時有雲氣爲

花繖之象而作金花蓋導蓋皆赤質如繖而圓瀝水繖花龍又有曲蓋差小繡瑞草 睥睨漢乘輿所用如花蓋而小 扇有朱團及雉尾四等朱團繡雲鳳黑漆柄金銅飾雉尾皆方其上繡雉尾紹興十三年詔郊禮繖扇並遵舊制拂扇等毋以珠爲飾 金節隋制也黑漆

竿上施圓盤周綴紅絲拂八層黃繡龍袋籠之王公以下皆有節制同金節韜以碧油 罕畢象畢昂爲天階故爲前引皆赤質金銅飾朱藤結網金獸面罕方上有二螭首銜紅絲拂畢圓如扇幢制如節而五層韜以袋繡四神各隨其方色朱漆柄王公所給幢黑漆柄紫綾袋 黃麾古有黃朱纁三色所以指麾也漢大駕有前黃麾宋朝之制絳帛爲之如幡錯采成黃麾字下繡交龍朱漆竿金龍首上乘朱絲小蓋元豐中命禮官定朝會儀請製大麾一注旄於竿首其旗十有二幅其色黃一旒元會設仗建大黃麾於當御廂之前麾幡二於後

神宗疑其制鑿命且闕之而黃麾幡仍舊 幡本幟也貌幡幡然有告止傳教信幡皆絳帛錯采爲字上有朱絲小蓋四角垂羅紋佩繫龍頭竿上錯采字下告止爲雙鳳傳教爲雙白虎信幡爲雙龍又有絳引幡制頗同此作五色間暈無字兩角垂佩 御刀自晉宋以來有之黑鞘金花銀飾靶靶紫絲條帨錯儀刀制同悉以銀飾王公亦給之 班劍本漢朝服帶劍晉易以木謂之象劍取裝飾斑斕之義鞘以黃質素紫班文金銅紫絲條帨錯 戟有枝兵也木爲刃赤質畫雲氣上垂交龍掌五色帶末綴銅鈴鈹戟無掌而有小橫木又有小戟

與鉞戟同制 稍長矛也木刃黑質畫雲氣又有細稍
制同而差小 儀艋劔戟之類秦漢有之唐用爲儀仗
刻木如斧塗以青柄以黃上綴小錦幡五色帶 及叉
亦戟類及無刃而短黑飾兩末又青飾兩末皆青中白
畫雲氣綴朱絲拂 髦本緝鳥毛爲之今爲四角小蓋
每角垂珠佩間以朱絲周綴五色帶繡雲龍孔雀白鵝
其別有三繫龍頭竿竿制如戟 攄弩漢京尹司隸前
驅持弓以射窺者今制每弩加箭二有欸畫雲氣仗內弩同
弓箭每弓加箭二有欸同攄弩 刀盾刀容刀也盾
旁排也一人分持刀以木爲之無鞘有環紫絲條紛錯

盾赤質畫異獸

又朱藤絡盾制悉同惟綠藤綠質

皆持執之 甲騎具

裝甲人鎧也具裝馬鎧也甲以布爲裏黃絕爲表青綠

畫爲甲文紅錦緣青絕爲下裙絳韋爲絡金銅缺長短

至膝長膺爲人面二自背連膺纏以錦騰蛇具裝如常

馬甲加珂拂於前膺及後鞞 車輻棒也形如車輪輻

今制朱漆八稜 白柯搶稍也唐羽林所執同稍而鐵

刃上綴朱絲拂 柯舒黑漆棒也制同車輻以金銅釘

飾 鐙杖黑漆弩柄也以金銅爲飾其末紫絲條繫之

七寶牀一覆以緋羅繡帕國初內臣馬上捧之謂之

駕頭 緋羅繡扇二緋羅繡曲蓋一並內臣馬上執之

謂之扇箠駕頭在細仗前扇箠在乘輿後三駕及常出並用之嘉祐六年以閣門祇候及內臣各二人分駕頭左右扇箠後編攔仍以皇城司親從官二十八隨之鳴鞭周官條狼氏執鞭趨辟之遺制也鞭稍用紅絲而漬以蠟行幸則前警祀畢還宮亦用之視朝宴會則用於殿庭紹興十三年親饗太廟命去神位百步之內毋得鳴鞭十五年正旦朝會帝出東閣御大慶殿殿上合鳴鞭以殿小非在京比乃免焉 毳仗塗金銀裹以供奉官騎執之分左右前導大禮用百人常行三十禡大禮舊儀御座金裹裝釘施珠坐禡是年八月上謂輔

臣曰事天以誠爲主器用陶匏貴其質也苟尚侈麗則失精禋之意矣乃詔有司製禡母以珠爲飾 駕馬鞍勒有金玉水晶金塗四等鬧裝鞞鞞結爲座龍碾鈹鏤塵沙面平面窪面方團寸節卷荷校具皆垂六鞞金裹銀鞍橋銜鐙朱黃絲條轡鞞緋黃織繡或素圓鞞襪襪用金銀線織或緋黃純仁宗至道中以黃絹代之鞭用紫竹紅黃絲鞞纓以紅黃犛牛尾金爲鈹每日馬五匹供奉鞍用玉及金塗銀襪襪用純絹行幸則十四匹加真金水晶之飾紹興十五年詔自今御後殿及駕出御馬權免入殿止例於殿門外射殿則仍舊制淳熙十四

年詔引呈射事御馬依後殿儀立於殿門外
右五輅及諸車輿輦旂常鹵簿多歷代所用然有
其說而不詳其制惟宋九朝及中興史志所載制
造設飾之制頗詳然亦必承襲歷代相因之制而
微有增損者也故具載於此至於逍遙子平頭輦
駕頭扇箴之屬雖歷代所無然宋三百年相承乘
輿出入所必用也故亦具載其制云

文獻通考卷第一百十七

文獻通考卷第一百十八

鄱王陽馬端金臨王貴與著

王禮考十三

乘輿車旗鹵簿

凡鹵簿有四曰大駕曰法駕曰鑾駕曰黃麾仗大駕郊

祀籍田薦獻玉清昭應景靈宮用之

迎奉聖像亦曰大駕惟不設象及六

朝導駕官

法駕減太常卿司徒兵部尚書白鷺崇德車大輦

五副輅進賢明遠車又減屬車四餘並三分減一泰山

下汾陰行禮用之鑾駕又減縣令州牧御史大夫指南

記里鸞旗皮軒車象輅革輅木輅耕根車羊車黃鉞豹

乾隆十二年校刊

文獻通考卷一百一十八

王禮十三

尾車屬車小車小輿餘並減半朝陵迎泰山天書東封
西祀朝謁太清宮奏告玉清昭應宮奉迎刻玉天書躬
謝太廟皆用之鑾駕舊用二千人大中祥符五年告太
廟增至七千人兵部黃麾仗用太常鼓吹太僕寺金玉
輅殿中省大輦其制無定然皆於小御樓車駕親征或
省方還京迎禁中天書五嶽上冊建安軍迎奉聖像六
廟上冊皆用之

凡大駕總二萬六十一人大率以太僕寺主車輅殿
中省主輿輦繖扇御馬金吾主纛稍十六騎引駕細
文仗牙門六軍主搶仗尚書兵部主六引諸隊大角五

牛旗門下省主寶案司天臺主螭漏太常主鼓吹朝
服法物庫出旗器名物衣冠幘蓋軍器庫出箠弩弓
矢內弓箭庫出戎裝雜仗

程氏演繁露曰宋景文筆記曰宣獻宋公著鹵簿
記至爆槩不能得其義予後十餘年始得之其說
曰江左有昫槩爲其首大如昫是其義也按字書
昫小瓜也蒲卓反字或爲昫同一音也予按爾雅
爆牛幫牛也此獸抵觸百獸無敢當者故金吾仗
宗刻爆牛於槩首以碧油囊籠之荆楚歲時記所說
亦與爾雅同今金吾仗以爆槩爲第一隊則是爆

槩云者刻幫牛於槩首也他說皆非也

仁宗康定元年宋庠上言車駕行幸非郊廟大禮具陳鹵簿外其常日導從惟前有駕頭後擁繖扇而已殊無前典所載公卿奉引之盛其侍從及百官屬下至厮役皆雜行其道中步輦之後但以親事官百餘人執搗以殿謂之禁衛諸班勁騎頗與乘輿相遠而士庶觀者率隨扈從之夾道馳走喧呼不禁所過有旗亭市樓垂簾外蔽士民憑高下瞰莫爲嚴憚邏司街使恬不可止威令弛闕玩習爲常非所謂旄頭先驅清道後行之說也且自黃帝以神功盛德猶假師兵爲營衛則防微禦變

古今一體按漢魏以降有大駕小駕至唐又分殿中諸衛黃麾等仗名數次序各有施設國朝承五姓荒殘之敝事從簡略每鳴鸞游豫盡去戈戟旌旗之制儀衛寡薄頗同藩鎮此皆制度放失憚於改作之咎謂宜委一二博學近臣討繹前代儀注及鹵簿令以乘輿常時出入之儀比之三駕仗酌取其中稍增儀物具嚴法禁上以示尊極下以防未然革去因循其在今日詔太常禮院與兩制詳定遂合奏諸班直禁兵步騎爲禁衛仍舊數復增清道馬百佩弓矢爲五重騎而執罕畢者一騎而執牙門旗前後四騎而執緋繡鳳斃二十四雉扇十

有二皆分左右天武兵徒行者執柯舒親從兵增其數
為二百殿前指揮使增為二百並騎左右相對開二門
間容二丈以擬周禮之人門凡前牙門旗旗後為牙門
旗前為禁衛輒入者論以法禁乘高下瞰乘簾外蔽夾
道喧呼馳走者頗著於令其後寢弛

神宗熙寧以來天子銳意稽古禮文之事招延羣英折
衷異同盡屏漢唐沿襲之陋與先儒訛舛之說元豐有
詳定禮文所大觀有議禮局政和有禮制局元豐雖置
局造輅然玉輅竟仍唐舊大觀中內侍吳德仁上指南
車記里鼓車之制天子宗祀大禮用之始廢天聖中燕

肅盧道隆所製政和修飾玉輅又增造大輅而車輅益

盛其制度各見
車輅條下

政和大駕鹵簿象六分左右次六引開封令開封牧大

司樂少傅御史大夫兵部尚書各用本部鹵簿次金吾纛稍左

右阜纛各六執托各一人押衙四人並爆稍八執各一人本衛

上將軍將軍各四人本衛大將軍二人並爆稍四夾大

將軍執各一人並騎一人法駕爆稍減二本衛上將軍各減二

人次朱雀旗隊並金吾衛折衝都尉一人引隊爆稍二

夾都尉執旗一人引夾各二人凡弩四弓矢十六稍二

十左右金吾衛果毅都尉二人押隊法駕弩減二弓矢

減六稍減八宣和引隊改天武都指揮使押隊改天武
指揮使次龍旗隊大將軍一員檢校騎引旗十二人並
風伯雨師雷公電母旗各一五星旗五左右攝提旗二
北斗旗一護旗十二人副竿二執人並法駕引旗護旗人
各減四宣和檢校改左右衛大將軍雷公電母旗去父
母二字次指南記里鼓車各一駕馬各四駕士各三十
人白鷺鸞旗崇德皮軒車各一駕士各十八人法駕無
白鷺崇德宣和有青雀青旌鳴鳶飛鴻虎皮貔貅六車
在記里鼓之下崇德之前減白鷺鸞旗皮軒三車駕士
之數如前次金吾引駕騎本衛果毅都尉二人儀刀弩

弓矢稍各八法駕儀刀弩弓矢稍各減二宣和都尉為

神勇騎指揮使次大晟府前部鼓吹令二人府史二人

管押指揮使一人擗鼓金鉦各十二帥兵官八人領大鼓一百

二十帥兵官二人領長鳴一百二十帥兵官六人領鏡鼓十二帥兵官四人領

人領歌工拱辰管簫笳各二十四大橫吹一百二十帥兵官十人領

人領節鼓二笛簫簨篥各二十四擗鼓金鉦各十二帥兵官四人領

人領小鼓中鳴各一百二十帥兵官八人領羽葆鼓十二帥兵官四人領

歌工拱辰管簫笳各二十四法駕前後擗鼓金鉦各減

四大鼓減四十長鳴減四十鏡鼓減四拱辰管後簫笳

各減八大橫吹減四十節鼓後笛簫簨篥笳桃皮簨篥

各減八小鼓中鳴各減四十羽葆鼓減四最後簫笳各
減八帥兵共減十八人次太史相風行漏等輿太史令
及令史各一人並騎相風鳥輿一輿士四人交龍鉦鼓各一輿士
各六人司辰典士各一人並騎漏刻生四人鼓樓鐘樓行漏
輿各一輿士各一百人太史正一人清道二人十二神輿一輿士
十四輿士減四十人法駕行漏輿一輿士多大駕二人宣和鼓
鐘樓並改爲輿太史正前有捧日副指揮使二人捧日
節級十人神輿輿士增十次持鈹前隊左右武衛果毅
都尉二人引隊左右武衛校尉二人絳引幡一人執二人左
右有金節十一執人並騎罕畢各一朱雀幢及導蓋青龍白

虎幢各一執人並騎義三隊長一人鈹戟三百八十人左右

武衛將軍二人檢校左右武衛校尉四人押隊法駕金

節減四鈹戟減七十二宣和引隊改驍騎都指揮使武

衛校尉改驍騎軍使增朱雀旗後之義一去龍虎旗後

之義三檢校改用左右驍騎將軍次黃麾幡一執一人新二人

騎法駕前有殿中侍御史二員次六軍儀仗左右神武

軍左右羽林軍左右龍武軍各有統軍二員都頭二人

羽林又有節級二人押仗本軍旗各一排闌旗各二十合有吏兵

力士旗各五掩尾天馬旗二羽林有赤豹黃熊旗龍白武有龍君虎君旗各一

柯槍五十哥舒棒十鎧杖八法駕神武軍減排闌旗十

羽林龍武軍各減四吏兵力士旗減一宣和統軍改軍
將神武軍旗改熊虎排闥旗改平列哥舒棒改戟鐙杖
改矛戟羽林隊無節級黃熊旗改黃熊龍武旗改熊虎
次引駕旗天王旗二排仗通直官二人押旗十二辰旗
各一法駕同次龍墀旗天下太平旗一排仗大將二人
夾騎五方龍旗各一金鸞金鳳旗各一獅子旗二君王
萬歲旗一日月旗各一法駕減鸞鳳獅子旗次御馬二
十四控馬每匹天武二人御馬直二人爲十二重法駕
減八爲八重宣和御馬直改爲習馭次中道隊大將軍
一員檢校法駕同宣和大將軍改爲左右驍衛大將軍

次日月合璧旗一苜文旗二五星連珠旗一祥雲旗二
長壽幢二宣和苜文改慶雲祥雲改祥光次金吾細仗
青龍白虎旗各一五嶽神旗五方神旗五方龍旗五方
鳳旗各五以上執各一人
新各三人法駕五方龍鳳旗各減二宣和

改校尉爲使臣五嶽神旗去神字次八寶鎮國神寶皇
帝之寶皇帝行寶皇帝信寶在左受命寶天子之寶天
子行寶天子信寶在右爲四重香案八各以二列於寶
輿之前碧欄三十四人符寶郎行於碧欄之間法駕減
碧欄八人宣和增引寶職掌二人香案職掌六人援衛
傳喝親從一百人奉寶輦官每寶二十八人節級一人

奉寶一十二人擡香案行馬執燭籠各四人持席褥油衣共三人香案寶輿各九燭籠三十六碧欄之數同前次方繖二大雉尾扇四夾執繖扇各一人以下準此法駕同次金吾四色官六人押仗二人法駕減押仗次金甲二人宣和改爲銅甲次太僕寺進馬四人並騎次引駕千牛衛上將軍一員千牛八人中郎將二人並乘珂馬千牛二人並騎宣和引駕改爲千牛衛大將軍中郎將改爲捧日都虞候次長史二人並騎宣和無次金吾引駕官四人並騎次導駕官執政以上人從六人待制諫議防禦使以上五人監察御史刺史諸衛將軍以上四人次繖扇輿輦大繖二中雉尾扇四夾腰輿一小雉尾扇四夾應奉

人員一人十將將虞候節級二人長行十六人排列官

二人中雉尾扇十二華蓋二執各香燈一執擎小輿一

應奉人逍遙平應奉人十將將虞候節級平輦下二十四人共九人長行二十六人逍遙子一

輦一應奉人員七人餘並同上法駕排列官後中雉尾扇減四宣和

去小雉尾扇四腰輿一漆管押人員二人都將將四小輿

一奉輿二十四人都將九人逍遙子改爲逍遙輦奉輦一十六人平輦一奉輦

人同上後有尚人同小輿前又有大輅一駕馬六太僕卿御

次駕前東第五班開道旗一阜燾十二引駕六十二人

鈞容直三百人引駕同五方色龍旗五門旗四十御龍

四直步執門旗六十天武駕頭下一十二人茶酒班執

從物一十一人御龍直仗劍六人天武把行門八人麤
旗一殿前班擊鞭一十人簇輦龍旗八日月麟鳳旗四
赤青白黑龍旗各一御龍直四十人踏路馬二夾輅大
將軍二人進輅職掌二員部押二人教馬官二員法駕
同宣和無鈞容直開道旗內增押班一人殿侍二人阜
纛旗十二殿侍十人執引駕人員二人長行六十人五方色
吉字旗殿侍三人管押十人門旗殿侍二人管押四十
人又八門旗六十御龍直一十二人骨朶直十二人御
龍弓箭直弩直各十八人御龍直仗劍六人執麤旗殿
侍二人管押龍旗人員二人都知副都知各一人執骨

朶殿侍十六人內大將軍改爲千牛衛大將軍朝服步從將

軍二人

朝服陪乘

掌輦四人皇帝乘玉輅駕青馬六駕士一

百二十八人扶鑾八人骨朶直一百三十四人行門三

十五人分左右陪乘將軍二員法駕同宣和駕士增爲

二百三十四人次奉宸隊御龍直左廂骨朶直右廂弓

箭直弩直御龍四直並以逐班直所管人數列爲五重

天武骨朶大劍三百一十人次駕後東第五班大黃龍

旗一鈞容直三十一人扇篋下天武二十人茶酒班簇

輦三十一人招箭班三十三人法駕同宣和止用黃龍

旗餘並無次副玉輅一駕青馬六駕士四十人法駕無

宣和駕士一百人內人員二人次大輦一掌輦四人應
奉人員十二人十將將虞候節級共一十人長行三百
五十五人尚輦奉御二人殿中少監供奉職官二員令
史四人書令史四人法駕同宣和增奉輦為九十人次
太僕御馬二十四為十二重法駕減八為八重宣和無
太僕次持釵後隊左右武衛旅師二人法駕同宣和改
為神勇都指揮使次重輪旗二大繖二大雉尾扇四小
雉尾扇朱團扇各十二華蓋二又二睥睨十二御刀六
真武幢一絳麾二又六細稍十二法駕小雉尾扇朱團
扇睥睨稍各減四華蓋減一御刀減二宣和真武幢改

為元武次左右金吾衛果毅都尉二人並總領大角六

百二十法駕減四十宣和改都尉為驍騎都指揮使次

大晟府後部鼓吹丞二人典事四人管轄指揮使一人

羽葆鼓十二帥兵官四人領歌工拱辰管簫笳各二十四帥兵官二人

人鏡鼓十二帥兵官四人領歌工簫笳各二十四橫吹一百

十帥兵官八人領笛簫觱篥笳桃皮膚篥各二十四法駕羽葆

鼓減四簫笳桃皮膚篥各減八鏡鼓減四小橫吹減四

十帥兵官並減二人宣和帥兵官改為天武神勇宣武虎翼四

都頭次黃麾一執紼人數同前部法駕亦同有芳亭輦

一奉輦六鳳輦一奉輦五法駕去鳳輦宣和芳亭奉輦

六十二人次金象革木四輅各有副輅金輅踏路赤馬
二正副各駕赤馬六駕士六十人餘輅正副駕馬數同
而色異象輅以赭白革輅以駟木輅以黑駕士各四十
人法駕前副輅宣和駕馬之色又異金以駟象以赤革
以赭白木以烏駕士正一百五十人副一百人管押人
員各二人耕根車一駕青馬六駕士四十人法駕同宣
和無進賢車一駕士二十四人明遠車一駕士四人法
駕無宣和各增駕馬四次屬車十二乘每乘駕牛三駕
士十人法駕減四乘宣和增衙官二人管押節級一人
次門下中書祕書殿中四省局官員各二員法駕同次

黃鉞車豹尾車各一各駕赤馬一駕士十五人法駕除
進賢明遠車外並同宣和有黃鉞天武副都頭及神勇
副都頭各一次掩後隊左右威衛折衝都尉二人領隊
大戟刀盾弓矢稍各五十法駕各減十六宣和押隊改
用宣武都指揮使二人次金武隊金吾衛折衝都尉一
人爆稍二仙童旗一真武旗一騰蛇神龜旗各一稍二
十五弓矢二十弩五法駕稍減六弓矢減五弩減一宣
和改爲元武隊改真武旗爲元武又去仙童龜蛇旗改
都尉爲虎翼都指揮使

政和大駕外仗清游隊次第六引外仗白澤旗二左右

金吾衛折衝都尉二人弩八弓矢三十二稍四十法駕
次第三引外仗弩減二弓矢減八稍減十宣和改都尉
爲捧日都指揮使左右金吾各十六騎帥兵官二人弩
八弓矢稍各十二法駕金吾騎及弓矢稍各減四宣和
改金吾爲天武都頭次仗飛隊左右金吾衛果毅都尉
二人分領並騎虞候仗飛四十八人並鐵甲仗飛二十四
人並甲騎法駕前減十八人後減八人宣和改金吾衛爲
拱聖都指揮使改都尉爲都指揮使次前隊仗仗左右
領軍衛將軍二人檢校並騎爆稍四仗仗分五隊第一
百六十人第二八十人第三一百人第四第五各八十

人逐隊有帥兵官左右領軍衛左右威衛左右武衛左
右驍衛左右衛各四人法駕仗仗第一隊減六十第二
第三各減三十第四第五各減二十宣和改檢校爲左
右衛將軍領軍衛爲天武都頭威衛爲神勇都頭武衛
爲宣武都頭驍衛爲虎翼都頭仗仗第一隊減六十增第
二隊至第五隊爲一百次後隊仗仗仗仗仗仗仗仗仗仗
第二八十人第三一百人第四八十人第五一百六十
人帥兵官左右衛左右驍衛左右武衛左右威衛左右
領軍衛凡前後隊仗仗前接中道北斗旗後盡鹵簿後
隊法駕仗仗第一第二隊各減二十四第三第四各減

三十第五減六十宣和及叉各一百天武神勇宣武虎
翼廣勇都頭次前部馬隊凡十二皆以都尉二人分領
第一前左右金吾衛折衝領角亢斗牛宿旗四弩十弓
矢二十稍四十第二氐房女虛宿旗四第三心危宿旗
第四尾室宿旗各二以上四隊各以左右領軍衛果毅
領第五箕壁宿旗第六奎井宿旗各二各以左右威衛
折衝領第七婁鬼宿旗第八胃柳宿旗第九昴星宿旗
各二各以左右武衛果毅領第十畢張宿旗第十一觜
翼宿旗第十二參軫宿旗各二各以左右驍衛折衝領
弩弓矢稍人數同第一隊法駕分二十八宿旗爲十隊

逐隊弩減四弓矢減六稍減二十宣和捧日拱聖神勇
驍衛宣武五都指揮使分領上十隊以虎翼廣勇都指
揮使分領下二隊次步甲前隊凡十二左右領軍衛將
軍二人檢校並騎爆稍四逐隊皆有都尉二人分領第一
第三各以左右領軍衛第五以左右領軍衛第七以左
右武衛第九以左右驍衛第十一以左右衛並折衝第
二第四各以左右領軍衛第六以左右威衛第八以左
右武衛第十以左右驍衛第十二以左右衛並果毅內
有鷓鴣玉馬三角獸黃鹿飛麟馱騃鸞麟馴象玉兔辟
邪等旗各二以序居都尉之後逐隊有弓矢刀盾相間

各六十人居旗之後法駕止十隊每隊弓矢各減二十
宣和檢校改用左右衛將軍又去爆稍分領並改爲都
指揮使第一第二並捧日第三第四並天武第五第六
並拱聖第七第八並神勇第九驍騎第十宣武第十一
虎翼第十二廣勇次前部黃鉞麾仗絳引幡二十下分
六部第一左右威衛第二左右領軍衛第三左右威衛
第四左右武衛第五左右驍衛第六左右衛諸部各有
殿中侍御史兩員本衛大將軍二人檢校本衛折衝都
尉二人分領又各有帥兵官二十人龍頭竿六重重各
二十揭鼓三重重各二儀鐙五色幡小戟稍各一重重

各二十弓矢二重重各二十朱綠滕絡盾并刀二重重
各二十法駕止五部絳引幡帥兵官龍頭竿幡戟弓矢
盾刀稍並減六宣和六部驍衛武衛屯衛領軍衛監門
衛千牛衛皆左右上將軍天武神勇宣武虎翼廣勇皆
都指揮都頭逐部上將都頭各一人次青龍白虎旗各
一左右衛果毅都尉二人分押二旗及領後七十騎弩
八矢二十二稍四十法駕減後騎三十弩減二弓矢減
八稍減二十宣和改都尉爲虎翼都指揮使次班劍儀
刀隊並騎左右衛將軍二人分領郎將二十四人左右親
衛勳衛各四人每衛班劍二百二十人諸翊衛左右衛

六人領儀刀四百八人左右驍衛二人領儀刀一百三十六人左右武衛左右威衛左右領軍衛左右金吾衛法駕親勳衛班劍減八十四人翊衛儀刀減一百三十二人增左右驍衛四人劍儀刀九十二人宣和分領改左右武衛將軍及捧日天武指揮四人拱聖六人神勇驍騎驍勝宣武虎翼指揮使各二人次親勳散手驍衛翊衛隊並左右衛供奉中郎將四人分領親勳翊衛四十八人左右衛郎將二人分領散手翊衛六十人左右驍衛郎將二人分領驍衛翊衛五十六人法駕親勳減十六人散手驍衛各減二十人宣和改爲中衛翊衛親

衛隊中衛郎四人分領衛兵四十八人翊衛郎二人分領衛兵六十人親衛郎二人分領衛兵五十六人次左右驍衛翊衛三隊並各有二人分領第一本衛大將軍第二本衛將軍第三本衛郎將花鳳飛黃吉利旗各二分爲三隊逐隊弩十弓矢三十稍四十法駕弩減四弓矢稍各減半宣和分領第一第二隊左右驍衛大將軍第三廣勇指揮使改花鳳旗爲雙蓮旗次夾轂隊凡六逐隊都尉二人檢校第一第四左右折衝第二第三第五第六並左右衛果毅逐隊刀盾各六十人內第一第四有寶符旗二法駕各減刀盾二十宣和檢校改爲捧

日天武拱聖三指揮使次捧日隊逐隊引一人押二人
長行殿侍二十八人旗頭三人槍手五人弓箭手二十
人左右廂天武約欄各一百五十五人法駕同次後部
黃麾仗分六部左右衛左右驍衛左右武衛左右威衛
左右領軍衛左右武衛部內殿中侍御史大夫將軍都
尉帥兵官絳引幡龍頭竿等並同前部法駕減第六部
絳引幡減六宣和六部改第一爲左右驍衛大將軍自
二至六改爲天武神勇宣武虎翼廣勇五指揮次步甲
後隊凡十二皆有都尉二人分領第一以左右衛第三
以左右驍衛第五以左右武衛第七以左右威衛第九

第十一各以左右領軍衛以上並果毅第二以左右衛
第四以左右驍衛第六以左右武衛第八以左右威衛
第十第十二各以左右領軍衛以上並折衝內有貔鷁
仙鹿金鸚鵡瑞麥孔雀野馬犛牛甘露網子祥光翔鶴
等旗各二序居都尉之後逐隊有弓矢刀盾相間各六
十人居旗之後止十隊宣和自第七隊以下分領改用
都指揮使七八並神勇九驍騎十宣武十一虎翼十二
廣勇旗亦改其半七天正堯瑞八日月戴承十翔鶴十
一紅光十二文石次後部馬隊凡十二皆以都尉二人
分領第一第二各以左右衛第五第六第七各以左右

領軍衛並折衝第三第四各以左右驍衛第八第九各以左右威衛並果毅內有角端赤熊兕天下太平馴犀鷄鷄驪騮牙蒼烏白狼龍馬金牛等旗各以序居都尉之後每隊弩十弓矢二十稍四十法駕止二十隊弩減四弓矢減六稍減十二宣和改都尉爲指揮使一二並以捧日三四並以天武五六並以拱聖七八並以神勇九以驍騎十以宣武十一以虎翼十二以廣勇內六有芝禾秀旗七有萬年連理木旗 以上鹵簿凡門有六中道之門二第一門居日月合璧等旗之後法駕居龍墀旗之後第二門居掩後隊之後法駕同各有金吾牙

門旗四監門校尉六人左右道之門四第一居步甲前隊第六隊之後第二居第十二隊之後第三居夾轂隊之後第四居步甲後隊第六隊之後法駕同各有監門校尉四人宣和改校尉爲使臣

政和小駕減大駕六引及象木革輅五副輅小輿小輦又減指南記里白鷺鸞旗崇德皮軒耕根進賢明遠黃鉞豹尾屬車等十一車餘並減大駕之半

宣和初蔡攸等改修鹵簿圖凡人物器服盡從古制飾以丹采三十有三卷今列政和所上而附以宣和

沿革之制

詳定官蔡攸等又言六引開封令乘輅車開封牧大
司樂司徒御史大夫兵部尚書乘革車次之開封牧
建繡阜旗太常卿繡鳳旗司徒建繡瑞馬旗御史大
夫繡以獬兵部尚書繡以虎皆副之以闕戟其先後
之序所乘之車所建之旗揆古則不合駭今則有戾
且大駕之出自漢光武時始有三引先河南尹次執
金吾次洛陽令先尊後卑也後魏亦三引先平城令
次司隸校尉次丞相先卑後尊也唐兼用六引五代
減爲三後周復增爲六皇朝因之開封令居前終以
兵部尚書然以前爲尊則大司樂不當次令牧以後

爲尊則兵部尚書不當繼御史大夫此先後之序未
正也輅車非縣令宜駕革車非公卿宜用是所乘之
車未稱也鳳馬之繡無所經見闕戟之設尤爲訛謬
是所建之旗未宜也司徒三公論道之官車徒非其
所任戶部主之可也奉常掌禮司樂典樂皆專於一
事禮樂之容非其所兼禮部總之宜也請改司徒用
戶部尚書改大司樂用禮部尚書其僚佐儀制御史
大夫位亞三少秩從三品又尊於六尚書其行宜以
兵部次令牧禮部戶部又次之終以御史大夫則先
後之序正矣

程氏演繁露曰宣和鹵簿圖有誕馬其制用色帛
周裹一方瓊蓋覆馬脊更不施鞍此其爲制必有
古傳非意矧矣然名以爲誕則其義莫究也蔡攸
輩雖加辯釋終不協當按通典宋江夏王義恭爲
車孝武所忌憂懼故奏革諸侯國制但馬不得過二
匹其字則書爲但不書爲誕也但者徒也徒馬者有
鼻馬無鞍如人袒裼之袒也迹其義類則古謂徒歌
車曰謠是其比也其所謂徒者但有歌聲而無鐘鼓
五以將也然則謂之但馬蓋散馬備用而不施鞍轡
者也通典三十一又王瓊每見道俗乞丐無已道逢太

保廣平王懷遠自言馬瘦懷卽以誕馬并乘具與
之按此書但爲誕誤也所與者但馬而無鞍勒故
以乘具與之其理相貫也又按酉陽雜俎一卷北
齊迎南使使主副各乘車但馬在車後鐵甲首餘
人其所書曰但馬而不曰誕馬在車後而名但知
無乘具以備闕也

按宋史所載鹵簿凡三至道政和紹興皆有之至
道則國初草創之規而又參以前代相承之制紹
興偏安杭都未遑禮文蒐輯舊典多已失墜其可
見者比承平時不能以半獨政和所定則自元豐

以來置立詳定禮文所議禮局考訂精審其儀不
舛而其文最詳故具載之

高宗中興後唯設大駕法駕及黃麾仗大駕鹵簿郊祀
用之法駕明堂用之黃麾大仗三千三百五人大朝會
用之視政和舊儀減三之一黃麾半仗二千四百五十人正旦朝

會上尊號冊寶親享用之

親享太廟兵部設黃麾仗自和寧門至太廟櫺星門外鼓

吹二百三十六人

又黃麾半仗一千四百九十九人冊皇后皇

太子用之黃麾角仗一千五十六人冬至朝賀紫宸殿
望參金國使賀正旦生辰受玉寶皇帝御正殿皇太子
稱謝起居用之黃麾細仗五百人迎奉冊寶玉牒國史

聖政會要日歷御集寶訓用之細仗一百人進呈聖德
事迹經武要畧及獨進玉牒用之

凡郊祀鹵簿用六千四百九十六人騎立大旗十一并
執儀仗官兵三千三百五十六人馬一千九十八匹攝
殿中侍御史諸衛將軍等五十一人御輦院繖扇輿輦
二百三十八人控御馬天武等四十四人太常寺鼓吹
樂工五百八十八人左右金吾司碧欄等三十五人總
轄檢察儀仗兵部郎中各一人職掌十二人輅下駕士

等二百六十一人車輅院般法物十人諸班直等一千

八百四十六人

馬執龍旗五十四人步執龍旗三十三人擊鞭六人駕後大黃龍旗三人捧日

乾隆十二年校刊

文獻通考卷一百一十三 王禮十三

三十一

甲馬隊三百人天武二百人翰林司兵士二人淳熙十年
 奉宸隊一千二百五十人淳熙十年八月
 於前四日閱習並差殿前同步軍司兵及輦官從之
 明堂鹵簿用四千一百四十八人卓立大旗十一步執
 儀仗官兵二千二百五十八人攝殿中侍御史諸衛將
 軍及繖扇輿輦等並同郊祀之數唯道遙輦諸班直六
 百六人馬執龍旗五十四人步執龍旗三十三人擊鞭
 不設金象革木四輅及大安輦大駕鹵簿儀仗及六引
 用鼓吹八百八十四人內鼓吹令丞二人府史典史各
 六人歌色四十八人金鈺十七人桐鼓十七人大鼓一
 百一十人小鼓六十人中鳴六十人鏡鼓十七人拱辰
 官三十六人羽葆鼓十二人膚篥二十九人小橫吹六
 十人簫八十七人笛二十九人節鼓一人此紹興十三年

年之法駕三分減一鼓吹用五百八十八人內令丞四
 指揮使帥兵官歌簫膚篥筳笛拱辰官大小橫吹節鼓
 四百三十八人金鈺桐鼓羽葆鼓大小鼓中長鳴一百
 四十六人此乃紹興十三年之制也

嚴更警場舊制嚴鼓一百二十四金鈺二十四鳴角一
 百二十紹興十三年以地狹移於櫺星門外止用鼓角
 各六十金鈺二十
 六引服飾爆稍左右金吾將軍金銅甲冑披膊解結錐
 左右金吾街仗司花脚幞頭碧羅襖紫綠羅袍金銅帶
 儀刀烏皮履執儀仗者幞頭武弁平巾幘錦帽鸞衫抹
 額纈騰蛇銅革帶紫緋羅繡袍紫紬寬衫緋紬袍青羅

黃紬銀褐緋皂紬寶相花衫駕前殿前指揮使細甲方
勝練鵲纈衫綠羅甲弓箭銀劍蒜瓣朶紅紫羅帽帶殿
前左右班粉青緋紫三色大搭纈羅衫長入祇候五十
二人合色頭鬚鍍金帽環青紅二色茶酒班殿侍紫羅
印皂斜搭衫茶酒班十人內紅拂扇二人御龍直執從
物八十三人珠巾方勝鵲衫行門二十四人金銀甲方
勝鵲衫金束帶珠瑁銀骨朶內押行門纏枝袍行門花
袍御龍直二百五十人員黃獅子纈衫長行方勝鵲衫
內殿直已下二百五十人員亦如之長行白獅子纈衫
殿前指揮使編排禁衛紫羅皂花衫駕頭扇篋下各天

武三十一人白獅子衫東西班樂三十六人紫帽帶招
箭班三十六人幞頭束帶親從圍子行官殿門中道左
右壁帽鍍金束帶其衫皆以白獅子纈餘並方勝練鵲
遙郡刺史衫以羅雲鴈都指揮使以御仙花都虞候以
簇四金鵬御前忠佐以宜男方勝正副使以黃獅子正
副都頭以方勝練鵲控馬親從以青蓮執燭籠親從二
百人以寶照餘從駕並以白獅子執燭二十二入衫亦
如之鍍金帶軍頭引見司人員四人帽子方勝練鵲衫
等子八十三人帽子團花寶照緋纈羅衫鍍金帶左右
騏驥院御馬六

特勒雕拳毛騮佛耳
赤騮黃青騮滴露紫

控馬執七寶百節

鞭杻子御馬五十人纈衫皂紗帽金鍍銀獅帶禁衛班

直等緋綠羅紅盤鵬背子紹興三年正月造緋二千領

又以纈代繡乾道四年五月文思院製從駕人衣服慶

元二年皇后受冊寶排設逍遙平輦人員各一人輦官

二十七人人員帽子宜男纈羅衫鍍金銀柘

枝帶輦官幞頭白獅子纈羅衫鍍金海捷帶

紹興十二年皇太后回鑾上將躬迎於郊命有司製常

行儀仗先是石延慶請詔禮官參考康定中常工部尚

書莫將等請先造黃麾仗二千二百六十五人

十三年二月詔郊祀設大駕鹵簿仗內六引令禮部兵

部太常等討論名數兵部侍郎程瑀等言國初大駕仗

儀總一萬二千二百二十二人今已有黃麾半仗二千

四百八十二人玉輅腰輿小輿大輦平輦逍遙輦下一

千九人共三千四百九十二人法物儀仗外猶闕金象

革木四輅芳亭鳳輦屬車寶輿等一千二百七十三人

天武捧日奉宸隊等六千四百五十七人共七千七百

三十人法物儀仗請下有司製造乃命兵部郎官錢時

敏等參訂規式凡舊用文繡者以纈代之前後部及六

引鼓吹八百八十四人舊制並騎導以道途狹隘止令

步從其六引前大象止用一頭舊制郊祀詣景靈宮亦

慮毀民居詔權宜乘輦若宗祀明乘玉輅時以衢巷狹隘

騎稱警言蹕旄頭前驅豹尾後殿其往來馳道與闌出入者皆有厲禁自六飛南渡務爲簡便唯四孟享獻乘輿躬行前爲駕頭後止曲蓋而爪牙拱扈之士或步或趨錯出離立無復行列至有酌獻未畢已捨而歸士民觀者駢肩接袂雜遝虎士之中而不聞有誰何之者望詔有司講求其當凡車駕行幸從駕禁旅以若干人爲六列相去各若干步其乘馬前導者皆預土其數命有司繪爲圖先一日以聞別具副本報御史臺有不如令及不在圖中而輒冒至者許有司舉之蔽而不言令御史臺覺察詔可王禛題輿小輿大輦平輦輿輦

孝宗隆興二年將行郊祀詔遵藝祖典故省約儀衛除玉輅逍遙平輦外八寶下人數及車輦儀仗皆令減損視紹興二十八年之數權減其半用六千八百八十九人鼓吹警場舊用一千一百五十九人亦三分減一乾道四年中書門下奏車駕詣德壽宮用殿前司六百二十九人皇城在內巡檢司三百九十一人崇政殿四百四十九人凡一千四百六十九人四孟詣景靈宮用殿前司八百七十五人皇城在內巡檢司五百二十八人崇政殿五百二十一人凡一千九百二十四人以左藏南庫絹二千疋下文思院製其衣服

六年郊祀詔復設五輅及大安輦

文獻通考卷第一百十八

鄱 陽 馬 端 臨 貴 與 著

文獻通考卷第一百十九

王禮考十四

后妃命婦以下車輦鹵簿

周巾車王后之五路重翟錫面朱總厭翟勒面績總安

車雕面鷲總皆有容蓋重翟重翟雉之羽也厭翟次其

勒之韋為當面飾也彫者畫之不龍其韋安車坐乘車

凡婦人車皆坐乘故書朱總為總鷲或作繫鄭司農云

錫馬面錫魏當為總書亦或為總鷲讀為鳥鷲之鷲鷲

總者青黑色以繒為之總著馬勒直兩耳與兩鑣容謂

乾隆十二年校刊

文獻通考卷第一百十九 王禮十四

所乘謂去飾也詩國風碩人曰翟裼以朝謂諸侯夫人始來乘翟蔽之車以朝見於君盛之也此翟蔽蓋厭翟也然則王后始來乘重翟乎疏曰凡言翟者皆謂翟鳥之本單言翟車者又不厭其本也凡言總者謂以總為車馬之飾若婦人之總亦既係其本又垂為飾故謂之總安車坐乘車凡婦人皆坐乘而此獨得稱安車者以其無重翟厭翟翟翟車輦車之名無異物之稱故獨稱安車也驚取鳥之驚色青黑為義容昏禮婦車有袞注云裳幃周禮謂之容詩漸車幃裳注潼容是容潼容裳幃幃為一物蓋漢法小車有翟車貝面組總有幄輦車組蓋所以表尊所以禦雨

輓有翟羽蓋翟車不重不厭以翟飾車之側爾貝面貝飾勒之當面也有幄則此無蓋矣如今輓車是也后所乘以出桑輦車不言飾后居宮中從容所乘但漆之而已為輓輪人輓之以行有翟所以禦風塵以羽作小蓋為翳日也疏曰貝面貝水物謂餘泉餘

輓之貝文以飾勒之當面者也蓋所以禦雨無幄乃施輓日輪無幅日輓輓則人輓行之

陳氏禮書曰五路言翟言車而不言路二翟言翟

而不言車者不言路避王也不言車車不足以名

之也孤言夏篆卿言夏纓至墨車以下然後言車

是亦飾盛者以飾名飾殺者以車名也重翟錫面

厭翟勒面安車彫面翟車貝面鄭司農曰錫馬面

錫鄭康成曰勒面如玉龍勒之韋為當面飾然則

錫面者錫飾馬面也勒面彫面貝面蓋亦若此勒

面以韋則錫面彫面貝面以韋可知也錫必鏤之

則彫面亦鏤錫可知也錫面彫面以金鏤面以貝

則勒面有錫亦可知也或言勒或言彫互備也馬

飾莫隆於錫勒飾莫殺於貝故巾車於王之玉輅
言錫樊纓儀禮於士之喪車貝勒此重翟厭翟安
車所以錫面而翟車所以貝面也

漢制皇后駕輅青羽蓋駕四馬旆九旒

東漢太皇太后皇太后法駕皆御金根車重翟羽

蓋加青交輅帷裳其非法駕則乘紫罽輅車雲櫺文畫

輅黃金塗五末五末輅一轂二箱二共五也蓋爪施金花駕三馬左

右駢應劭漢官儀明帝永平元年光烈皇后葬魂車駕輅青羽蓋駕四馬旆九旒前有方箱鳳凰車此因

前漢舊制長公主乘赤罽輅車大貴人公主王妃封君油畫

輅車大貴人加節畫輅皆右駢公列侯中二千石二千

石夫人會朝若親蠶各乘其夫之安車右駢加交絡帷

裳皆皂非公會不得乘朝車得乘漆布輅輅銅飾五末

晉制后乘重翟羽蓋金根車加青絡青帷裳雲櫺畫輅

黃金塗五末蓋爪施金華駕三馬左右駢其廟見小駕

則乘紫罽輅車飾及駕馬如重翟非法駕則皇太后乘

輿皇后畫車后親蠶乘油畫雲母安車駕六驄馬驄淺黑色

油畫兩輅安車駕五驄馬為副又金博山駢紫絳罽車

皆駕三驄馬三夫人油輅車駕兩馬左駢其貴人加節

畫輅三夫人助蠶乘青交絡安車駕三皆以紫絳罽輅

車九嬪世婦乘駢車駕三長公主赤罽駢車駕兩馬公

乾隆十二年校刊

主王太妃皆油駟車駕兩馬右駢公主油畫安車駕三
青交絡以紫絳罽駟車駕三馬爲副王太妃三夫人亦
如之公主助蠶乘油畫安車駕三公主有先置者乘青
交絡安車駕三諸王妃公太夫人縣鄉君諸郡公侯特
進夫人助蠶乘皂交絡車駕三諸郡公侯監國嗣子之
世婦侍中常侍尙書中書監令卿校世婦命婦助蠶乘
皂交絡安車儷駕郡縣公侯中二千石二千石夫人會
朝及蠶各乘其夫之安車皆左駢皂交絡皂帷裳自非
公會則不得乘輅車王妃特進夫人封郡君安車駕三
皂交絡封縣鄉君油駟車駕兩馬右駢

宋因晉制法駕乘重翟親蠶乘油畫雲母安車

元嘉中東宮儀

汪云中宮儀御重翟金根車

公主安車以紫絳罽駟車爲副駕三九

嬪世婦駟車駕一王妃特進夫人封君皂交絡安車駕
三其貴人公主王妃封君油駟車駕二右駢公列侯中
二千石夫人會朝及蠶所乘依漢故事

齊因重翟車加金塗校具白地人馬錦帖箱隱膝後戶
白牙的帖金塗面釘漆畫鐵鉗金塗縱容後路鏤師子
鏤軛皆施金塗螭首及龍雀等諸飾軛衡上施金博山
又有金塗長角巴首蓋飾金塗爪支子花二十八青油
挾碧絹黃紋蓋漆布箱紫顏黃紋紫紋隨陰碧氅

徒昆反

外上施絳紫絲絡碧旂九旒檠戟皇太子妃厭翟車如重翟飾而微減油絡畫安車公主王妃三公特進夫人所乘其貴人公主三夫人九嬪世婦三公妃特進夫人所乘正副皆依漢晉制畫金塗車梁天監二年令上臺六宮長公主公主諸王太妃皆得乘青油榻幢通幟車榻幢涅幟爲副綵女皇女諸王嗣子侯夫人皆乘赤油榻幢車以涅幟爲副侍女聽涅幟車親喪則御雲母車歸寧則御紫罽車遊行御安車弔

問御紉罽車并駕四馬

北齊因魏制其諸公主乘油朱絡網車車中飾用金塗及純銀

後周皇后之車十二等一曰重翟以從皇帝祀郊禘享先皇朝皇太后二曰厭翟以祭陰社三曰翟輅以採桑四曰翠輅以從皇帝見賓客五曰雕輅以歸寧六曰篆輅以臨諸道法門六輅皆錫面朱總金鈎七曰蒼輅以適命婦八曰青輅九曰朱輅十曰黃輅十一曰白輅十二曰元輅五時常出則供之六輅皆疏面績總諸公夫人之輅車九厭翟輅翠輅皆錫面朱總金鈎雕輅篆

輅皆勒面

刻白黑韋為當顛

績總朱輅黃輅白輅元輅皆雕面

鷲總

總黑色繒其著如朱總

諸侯夫人自翟輅而下八諸伯夫人

自翟輅而下七諸子夫人自雕輅而下六諸男夫人自

篆輅而下五輦纓就數各視其君三妃三公夫人之輅

九篆輅朱輅黃輅白輅元輅皆勒面繙總夏篆夏纓墨

車棧車皆雕面鷲總三妃

由內反

三孤內子自朱輅以下

八六嬪六卿內子自黃輅而下七上下媛婦中大夫孺

人自夏篆而下四女御婉士婦人自夏纓而下三其輦

纓就各以其等皆簞蒹漆之君以赤卿大夫士以元君

駕四三朝六轡卿大夫士駕二一朝四轡

隋開皇初李德林奏用後魏熙平蘇紹議皇后之輅後

著令制重翟青質金飾諸末朱輪金根朱牙其箱飾以

重翟羽青油幢朱裏通幟繡紫帷朱絲絡網繡紫絡帶

八鸞在衡鏤錫鞶纓十二就金鏤方鈇插翟尾朱總駕

蒼龍受冊從祀郊禱享廟則供之厭翟赤質金飾諸末

輪畫朱牙其箱飾以翟羽紫油幢朱裏通幟紅錦帷朱

絲絡網紅錦帶餘如重翟駕赤駟親桑供之翟車黃質

金飾諸末朱輪畫朱牙其側飾以翟羽黃油幢黃裏通

幟白紅錦帷朱絲絡網白紅錦絡帶餘如重翟駕黃駟

歸寧則供之諸輦纓之色皆從車質安車赤質金飾紫

通幟朱裏駕四馬臨幸及弔則供之輦金飾同於蓬輦
通幟班輪駕四馬宮苑近行則乘之屬車三十六乘皇
太子妃乘翟車以赤爲質駕三馬畫轅金飾犢車爲幅
紫幟朱網絡良娣以下並乘犢車青幟朱裏三公夫人
公主王妃並犢車紫幟朱網絡五品以上並乘青幟與
其夫同

唐因隋制重翟厭翟翟車安車其飾不易又制四望車
紫油朱質通幟畫油絡帶拜陵臨弔則供之又制金根車
朱質紫油通幟畫油絡帶朱絲絡網常行則供之內命
婦夫人乘厭翟車嬪乘翟車婕妤以下乘安車各駕二

馬外命婦公主王妃乘厭翟車駕二馬自餘一品乘白
銅飾犢車青通幟朱裏油幢朱絲絡網駕牛二品以下
去油幢絡網四品青偏幔其王公以下車輅皆太僕官
造貯掌之若受制行冊命及二時巡陵婚葬則給之

皇太后皇后鹵簿清游旗

一人執二人引二人夾領三人並帶橫刀執稍弩弓箭

而次虞侯飲飛二十八人

夾道單行次內僕令一人內僕丞

一人

次黃麾一人執次左右廂黃麾仗

廂各三行左右

領軍衛

各領五色繡幡六口

次內謁者監四人給事二人內常侍

二人內侍一人

並騎分

次內給使

百二十人

屬子單畫

宮人車次偏扇團扇方扇

各二十四分

次香燈

一使四

人分次重翟車青質金飾駕四馬受冊從祀次行障六具

宮人執次坐障三具分次內寺伯二人領寺人六

右夾重次腰輿一執者八人次團扇二次大繖四次孔

雀扇八分次錦花蓋二次小扇朱畫團扇各十二次

錦曲蓋二十次錦六柱八扇分次宮人

車次後黃麾一次供奉宮人在黃麾次厭翟車朱質金

駟四親蠶採次翟車黃質金飾駕赤驂次安車赤質金

乘則乘之次四望車朱質駕牛拜陵次金根

車朱質駕牛常行則次左右廂各牙門二門二人執次

左右領軍衛廂各百五十人執次領鹵簿後所開牙門並

在受杖前後部鼓吹金鉦柵鼓大鼓小鼓長鳴中鳴鏡

吹羽葆鼓吹橫吹節鼓御馬並減大駕之半

皇太子妃鹵簿清道率府校尉六人騎分次內給使

次青衣十人分次導客舍人四人分次內給使

六人朱衣分次偏扇團扇方扇各十八各分次內

間綵次行障四具分次坐障二具夾車次內

典二人騎分次翟車駕三馬次閤師二人領內次內

左次六柱二扇內次供奉內人乘犢次織正次內

扇二團扇四曲蓋二分次戟九十分次織正次內

輿青衣齊後盡次織正次內

乾隆十二年校刊 王禮十四

內命婦四妃九嬪婕妤美人才人鹵簿太子良娣以下同清道

二人青衣六人青衣九嬪四人餘並二人偏扇團扇方扇各十六九嬪

十四餘行障三具九嬪以下二具坐障二具九嬪已下一具並婦人執厭翟

車九嬪翟車婕妤以下安車並內給使十六人九嬪十

十從車六乘九嬪四餘織一大扇二九嬪已下團扇二

內給使執戟六十九嬪四十餘並二十

外命婦鹵簿一品清道二人青衣六人二品青衣四人三品四品二人

偏扇團扇方扇各十六二品十四三品八行障三具二品三品三具

四品坐障二具已下並厭翟車從人十六夾車駕一馬

乘白銅飾轎車駕牛馭人四從車六乘二品三品四乘織

二品從人十四已下各減二

一大扇二品已下無大扇團扇二戟六十二二品四十三品二十四品無戟乘

宋朝皇后鹵簿唯用厭翟車其制箱上有平盤四角曲

欄兩壁紗窗龜文金鳳翅前有虛櫃香爐香寶緋繡幃

衣絡帶門簾三轅鳳首畫梯推竿行馬緋繒裏索駕六

馬金銅面纓轡鈴襟緋屨駕士三十人武弁緋繡衫常

出止用正副金塗銀裝白藤輿各一上覆櫻欄屋飾以

鳳輦官同乘輿平頭輦之制

內外命婦之車銀裝白藤輿檐內命婦皇親所乘白藤

輿檐金桐犢車漆犢車或覆以氈或覆以櫻內外命婦

通乘

乾隆十二年校刊 王禮十四

皇太后皇后鹵簿皆如禮令昭憲孝明孝章元德明德
莊穆皇后園陵嘗用之公主鹵簿惟葬日給之秦國成
聖繼明夫人葬日亦給外命婦一品鹵簿自餘未嘗用
之

仁宗初章獻太后臨朝儀衛始盛乾興元年用禮儀院
奏製皇太后所乘輿名之曰大安輦具皇太后出入鳴
鞭儀衛凡御龍直總五十四人骨朶直總八十四人弓
箭直弩直合五十四人殿前指揮使左右班合五十六
人禁衛皇城司二百人寬衣天武二百人儀衛供御輦
宮六十二人寬衣天武百人其侍衛諸司應舉悉如乘

輿

神宗嗣位尊皇太后爲太皇太后而皇太后皇后常出
止用副金塗銀裝白藤輿制見前乃詔太皇太后出入所
乘如萬安太后輿上設行龍六制飾率有加

哲宗紹聖元年議造皇太后大安輦中書具治平元豐
皇太后輿服儀衛以呈曰元豐中宣仁謙恭不乘太安
輦上曰今皇太后獨尊非宣仁比遂詔行幸進太安輦
而皇太后嫌避竟不製造

哲宗卽位尊朱貴妃爲皇太妃出入乘檐子有司請用
牙魚鳳爲飾繖用青元祐三年太皇太后詔有司尋繹

典故於是檐子飾以龍鳳繖用紅九年羣臣議改檐子
爲輿上設行龍五出入由宣德東偏門帝以皇太后諭
旨令太妃坐六龍輿出入進黃繖由宣德正門於是三
省議皇太妃坐龍鳳輿繖紅黃兼用從皇太后出入止
用紅

徽宗政和三年議禮局上皇后車輿之制重翟車青質
金飾諸末間以五采輪金根朱牙其箱飾以重翟羽面
施雲鳳孔雀刻鏤龜文頂輪上施金立鳳耀葉青羅幃
衣一紫羅畫雲龍絡帶二青絲絡網二紫羅畫帷一青
羅畫雲鳳夾幔二車內設紅褥及坐橫轅上施立鳳八

香櫃設香爐香寶飾以螭首前後施簾長轅三飾以鳳
頭青繒裏索駕青馬六馬有銅面插翟羽鞶纓襟胸鈴
拂青屨青色尾若受冊謁景靈宮則乘之厭翟車赤質
其箱飾以次翟羽紫幃衣紅絲絡網紅羅畫絡帶夾幔
錦帷餘如重翟車駕赤騮四若親蠶則乘之翟車黃質
其車側飾以翟羽黃幃衣黃絲絡網錦帷絡帶餘如重
翟車駕黃騮四安車赤質金飾間以五采刻鏤龜文紫
幃衣錦帷絡帶紅絲絡網前後施簾車內設褥及坐長
轅三飾以鳳頭駕赤騮四凡駕馬鞶纓之飾並從車質
四望車朱質青幃衣餘同安車駕牛三金根車朱質紫

臆衣餘同安車駕朱三自重翟以下備鹵簿則皆以次
陳設藤輿金塗銀裝上覆櫻欄屋以龍飾常行之儀則
用之鹵簿之制清游隊旗金執一人引三人金吾衛拆
皇后鹵簿之制清游隊旗金執一人引三人金吾衛拆
衝都尉一員騎執褭稍二人夾領四十騎執稍二十人弩四人
橫刀一十六人次虞候伙飛二十八騎內僕內僕丞各
一員各書令史二人並騎次正道黃麾執一人夾二人並騎次左右廂黃麾
仗廂各三行行一百人第一行短戟五色氅第二行戈
五色氅第三行儀鎧五色幡左右領軍衛左右威衛左
右武衛左右驍衛左右衛等各三行行二十人各帥兵

官六人領內左右領軍衛帥兵官各三人各果毅都尉
一員檢校各一人左右領軍衛絳引旗引前掩後各六

次內謁者監四人給事內常侍內侍各二人並騎內給使各
步從一人次內給使一百二十人次偏扇團扇方扇各二十

四次香燈一執擎內給使四人在重翟車前次重翟車駕青

馬六駕士二十四人行障六坐障三夾車並宮人執次

內寺伯二人騎領寺人六人分左右夾重翟車次腰輿

一輿土團雉尾扇二夾輿次大繖四大雉尾扇八錦花

蓋二小雉尾扇朱畫團扇各一十二錦曲蓋二十錦六

柱八扇自腰輿以下次宮人車次絳麾二人各一次正道

乾隆十二年校刊
王禮十四

後黃麾一執一人夾次供奉宮人次厭翟車駕赤騮翟

車駕黃騮安車駕赤騮各四駕士各二十四人四望車

金根車各駕牛三駕士各六十二人次左右廂各置牙

門二每門執二人夾四人一在前黃麾前一在後黃麾後次左右領軍衛每廂各

一百五十人執受帥兵官四人檢校次左右領軍衛折

衝都尉各一員檢校受仗各一人次後受仗內正道置

牙門一每門監門校尉二人騎每廂各巡檢校尉二員

騎往來檢校前後部鼓吹金鈺柵鼓大鼓長鳴中鳴鐃

吹羽葆鼓吹節鼓御馬並減大駕之半前黃麾各六

皇太子妃鹵簿之制清道率府校尉六人騎青衣十人

次導客舍人四人內給使六十人偏扇團扇方扇各一

十八並宮人行障四坐障二夾輦官人典內二人騎厭翟

車駕三馬駕士一十四人次閤師二人領內給使十八

人夾車六柱二扇內給使次供奉內人乘犢次織一道正雉

尾扇二團扇四曲蓋二執織扇各內次戟九十八

命婦鹵簿附見品官鹵簿門並風火

孝宗隆興二年禮官言五禮新儀皇后受冊畢乘重翟

車陳小駕鹵簿朝謁景靈宮次詣德壽宮朝謁今重翟

車等未備請止用肩輿龍檐子從之

乾道元年詔有司製皇太子妃檐子如政和六年之制

乾隆十二年校刊 王禮十四

竿梁黑漆角獸白藤織花面茜紅羅掌扇四柄檐子前
以小殿侍二人抱鍍金青香毬

寧宗慶元二年冊皇妃製檐子金鍍銀裝釘樓頂紅黃
藤百花龍總以香檀木為之椅子以金雕龍首褥以紅
羅裝釘以金鍍銀葉條以紅茸屏風夾幔皆以紅羅供
御輦官三十六人次供御十四人下都五十四人

人夾皇太子皇子公卿以下車輦鹵簿

周禮巾車金輅鉤樊纓九就建大旂以封同姓象路朱
樊纓七就以封異姓革路龍勒條纓五就以封四衛木
路前樊鵠纓建大麾以封蕃國同姓謂子母弟以功德
出封若魯衛之屬異姓

王甥舅四衛四方諸侯守衛者蠻服以內也蕃國服車
謂九州之外夷鎮蕃服其制度並注見乘輿門

五乘服車服事者之車也孤乘夏篆謂五色畫卿乘夏纓夏纓亦
五采畫

無大夫乘墨車墨車不畫但以
漆革車而已士乘棧車不革輓
而漆也庶人

乘役車箱方可載任
器以供役

漢皇太子皆安車朱斑輪飛軫青蓋金花爪倚虎較伏
鹿盧丈畫幡吉陽笏文輶金塗五末旂九旂降龍皇太
子為王賜以乘之皇孫綠車以從皆左右駢三馬名皇
孫車

景帝中元五年始詔六百石以上施車幡得銅五末軛
有吉陽笏二千石以上右駢三百石以上帛布蓋千石
以上皂繒蓋二百石以上白布蓋皆四維杠衣賈人不

得乘馬車吏赤蓋杠其餘皆青

古今注曰武帝天漢四年令諸侯王大國朱輪

特虎居前左兕右鹿小國特熊居前麋鹿居左右

大使車立乘駕四赤帷裳持

節者重導從賊曹車斧車功曹車皆兩大車伍百璣弩

十二人辟車四人從車四乘小使車不立乘有駢赤屏

泥油重絳帷導無斧車近小使車蘭輿赤轂白蓋赤帷

騶騎四十人此追捕考按有所執取者所乘諸侯車皆

朱斑輪四幅赤衡軛公卿二千石郊廟明堂祀陵法出

皆大車立乘駕駟他出乘安車其飾如金根車加施組

連璧交結四角金龍銜璧垂五綵析羽旒蘇前後雲氣

畫帷裳櫺文畫幡長輿車等駕布施馬

布施馬者純白駉馬也以黑藥

灼其身為武文公卿以下至縣三百石五吏賊曹督賊功曹皆

帶劍三車導從縣令以上加導斧車牛車武帝推恩之

末諸侯有寡弱者皆乘牛車其後牛車稍通貴者之所

乘

諸馬之文王公列侯鏤錫义鬣朱鑣朱鹿朱文絳扇

汗青玃燕尾卿以下有駢者緹扇汗青玃尾當盧义

髦上下皆通中二千石以上及使者乃有駢駕云

程氏演繁露曰漢初馬少故曰自天子不能具醇

駟將相或乘牛車言惟天子之車然後有馬然亦

不能純具一色至將相則時或駕牛也自吳楚誅

後諸侯惟是食租衣稅無有橫入故貧者或乘牛車則此之以牛而駕自緣貧窶無資可具非有禁約也漢韋元成以列侯侍祠天雨淖不駕駟馬車而騎至廟下有司劾奏削爵則舍車而騎漢已有禁矣東晉惟許乘車其或騎者御史彈則漢法仍在也至其駕車遂改用牛王導駕短轅犢車犢牛犢也王濟之八百里駮駮亦牛也言其色駮而行速日可八百里也石崇之牛疾奔人不能追此其所以寶之也南史吳興太守之官皆殺軛下牛以祭項羽知駕車用牛也豈通晉之制皆不得駕馬

也邪予於是考按上古駕車則皆駕牛無用馬者故易曰服牛乘馬也又曰皖彼牽牛不以服箱則牛服之謂也至古之耕却不用牛孔子弟子中有冉耕字伯牛豈前此未以牛耕邪詩十千爲耦長沮桀溺耦而耕沮溺二人相對自挽犁也甘誓御非其馬之正汝不共命詩曰四牡騤騤蕭蕭馬鳴有車鄰鄰有馬白顛則車皆馬駕也然則此時牛既不耕又不駕車則將何用也至於馬旣駕車車重而鈍又未有人知用馬爲騎直至六韜方著騎兵詩書中元未之有此制殆難考也

後漢制公卿乘安車朱斑輪飛軫倚鹿較伏熊軾皂繒
蓋黑輜右駢旂九旒鏤錫义旄朱鑣縱末鹿文絳扇汗
青翅燕尾卿以下有駢者緹扇汗中二千石皆皂蓋朱
兩輜千石六百朱左輜輜長六尺下屈廣八寸上業廣
尺二寸九丈十二物後謙一寸
若月初生然
不敢自滿也

後漢百官導從卒公卿以下至縣三百石長導從置門
下五吏賊曹督察盜賊功曹皆帶劔三車導主簿主記
兩車爲從縣令以上加導斧車公乘安車則前後并馬
立乘長安雒陽令及王國都縣加前後兵車亭長設右
駢駕兩瓌弩車前伍伯公八人中二千石三千石六百

石皆四人自四百石以下至二百石皆二人黃綬武官
伍伯文官辟車鈴下侍閣門闌部曲街里走卒皆有程
品多少隨所典領驛馬三十里一置卒皆赤幘絳帟云
古者軍出師旅皆從秦省其卒取其師旅之名焉公卿
下至二千石騎吏四人千石以下至三百石縣長二人
皆帶劔持棨戟爲前列撻弓韞九韞諸侯王法駕官屬
傅相以下皆備鹵簿似京都官騎張弓帶韞遮迺出入
稱課促列侯家丞度子導從若會耕祠主縣假給辟車
鮮明卒備其威儀導從事畢皆罷所假

程氏演繁露曰太守五馬莫知的據古樂府五馬

立踞即其來已久或言詩有良馬五之侯國事
也然上言良馬四之下言良馬六之則或四或六
鄭元非定制也漢有駟馬車正用四馬而鄭元注詩
曰周禮州長建旗漢太守比州長法御五馬元以
州長比漢太守品秩殊不侔不足爲據然鄭後漢
於縣比漢太守品秩殊不侔不足爲據然鄭後漢
言昔時人則太守之用五馬後漢已然矣至唐自樂天
和深春二十詩曰五匹鳴珂馬雙輪畫戟車至其
武自杭分司有詩曰錢唐五馬留三匹還擬騎來攬
百昔擾春老杜亦曰使君五馬一馬驄則是真有五馬

矣若其制之所始則未有知者

魏因漢制文帝問東平王有輅爲是特賜乎鄭稱對曰
天子五輅金輅以封同姓諸侯得與天子同乘金輅非
特賜始有也

晉皇太子安車因魏制而駕三馬非法駕則乘畫輪車
上開四望綠油幢朱絲繩絡兩廂裏飾黃金漆塗五末
其副車三乘形制如所乘但不畫輪耳王青蓋車皇孫
綠蓋車並駕三左右駢

晉制雲母車以雲母飾犢車以賜王公皂輪車駕牛形
如犢車皂漆較轂上加青油幢朱絲繩絡諸王三公有

勲德者特加之位至公或四望三望夾望車油幢車駕
牛如犢車皂輪但不漆轂王公大臣有勲德特給之通
幟車駕牛如犢車但舉其幟通覆車上諸王三公並乘
之武帝詔給魏舒陽燧四望小車三望如四望油幢給
車似三望而減王公加禮者乘次三望平乘車竹簾子
壁指輪
為通幟其後形龍牽金塗支子花細轅
輪頭後稍杳伏神承塗庶人亦然三公諸王所乘
自四望至平乘皆銅校飾諸公給朝車駕駟安車黑耳
駕三自祭酒掾下及令史皆皂軫特進以下諸將軍非
持節都督者給安車黑耳駕二三公九卿二千石皆人
車立乘駕四去位致仕告老賜安車駕四郡縣公侯安

車駕二右駢皆朱斑輪倚鹿車伏熊軾皂繒旂旂公八
侯七卿五皆畫降龍中二千石二千石皆皂蓋朱輪同
五駕二千石六百石朱左輪王公之元子攝命理國者
安車駕三旂七旂封侯之元子五旂大使車立乘駕四
赤帷裳騶騎公卿二千石郊廟上陵從駕所乘小使車
不立乘駕四輕車之流也蘭輿皆朱轂赤屏泥白蓋赤
帷裳追捕執取者所乘凡諸使車皆朱斑輪赤衡軛追
鋒車去小蓋加通幔如輅車駕二以迅速為名戎陣之
間是為傳乘輅車古將軍所乘傳之車按漢貴輅輅而
賤輅車魏晉貴
輅車而賤輅輅三品將軍以上尚書令輅車
黑耳有後戶僕射但有後戶耳並皂輪也

東晉安帝時皇子乘後山安車制如金輅

宋因之皇子為王亦錫以皇太子之安車皇孫綠車亦

因舊法其追鋒車雲母車四望車公及列侯所乘安車

依漢舊制駕二馬旂旗旂王公侯七卿五皆降龍公卿

中二千石郊陵法出皆大車立乘駕四他出去位致仕

者皆安車四馬二千石皆皂蓋朱幡銅五末駕二右駢

王公之世子攝命治國者安車駕三旂旗七旂侯世子

五旂

齊皇太子乘象輅校飾如御旂旗九旂降龍制黃屋車

建碧旂九旂

九旂鸞輅也蓋以黃絡為裏金塗校其絳絲

九命上公所乘青

蓋安車朱幡斑輪駕一左右駢通憶車為副諸王禮行

所乘皂蓋安車朱幡漆斑輪駕一通憶朱車為副三公

禮行所乘安車黑耳皂蓋朱幡駕一牛車為副國公列

侯禮行所乘馬車駕一九卿領護二衛驍游四軍五校

從郊陵所乘餘同晉法

梁皇太子皇子因齊象輅制鸞輅駕三左右駢朱斑輪

倚獸較伏鹿軾九旂降龍青蓋畫幡文輅金塗五末以

畫輪車為副常乘畫輪則衣畫車為副其畫輪車上開

四望綠油幢朱繩絡兩箱裏飾以金錦二千石四品以

上及列侯皆給輅車駕牛伏兔箱青油幢朱絲絡網轂

皆黑漆天監二年令三公開府尚書令給鹿轡輅施耳
後戶皂輜尚書僕射左右光祿大夫侍中中書監祕書
監給鳳輅輅後戶皂輜領護國子祭酒太子詹事尚書
侍中列卿等給聊泥輅無後戶漆輪車驃騎及諸王除
刺史帶將軍給龍雀輅以金銀飾御史中丞給方蓋輅
形小如繖諸王三公有勲德者皆特加皂輪車駕牛形
如犢車但烏漆輪轂黃金雕裝上加清油幢朱絲絡通
幟王公加禮者給油幢絡車駕牛朱輪華轂

程氏演繁露曰舊尚書令僕中丞騶唱得入宮門
止於馬道馬道是許人上馬處也郭祚爲僕射奏言非盡敬

之宜騶唱不入宮自此始也按騶唱者騶從之傳
呼也朱仲遠爲行臺僕射請準朝式在軍鳴騶廢
帝笑而許之史臣謂其任情則是僕射在朝得用
騶唱而涖軍則否軍國異容之義也在軍而乞從
朝儀所以名爲任情也梁制尚書令僕御史中丞
各給威儀十人其七人武冠絳鞬唱呼入殿引隍
至階一人執儀囊不隍音橫類篇曰喧也則七人同
聲唱導故曰喧也通典六二絳鞬六人所謂騶也

陳因梁制限以土並餘陳車轂一後魏太子乘金輅朱蓋赤質駕四馬三公及王車朱屋

青蓋制同五輅名曰高車駕三馬庶姓王侯及尚書令僕以下列卿以上並給輅車駕一馬或乘四望通憶車駕一牛
北齊因魏制庶姓王儀同三司以下翟尾扇繖皇宗及三品以上官青繖朱裏其青繖碧裏達於士人不禁正從一品執事散官及儀同三司乘油朱絡網車車牛飾得用金塗及純銀二品三品乘卷通憶車車牛金飾七品以上乘偏憶車車牛飾以銅
後周諸公之輅九方輅各象方之色碧輅金輅皆錫鞶纓九就金鈎象輅犀輅貝輅革輅篆輅木輅皆疏鞶纓九就

皆以朱白蒼三綵諸侯自方輅而下八無碧輅諸伯自方輅而下七無金輅諸子自方輅而下六無象輅諸男自方輅而下五又無犀輅凡就各如其命三公之車輅九祀輅犀輅貝輅篆輅木輅夏篆夏纓墨車棧車自篆以上金塗諸末錫鞶纓金鈎木輅以下銅飾諸末疏鞶纓皆九就三孤自祀輅而下八無犀輅六卿自祀輅而下七又無貝輅上大夫自祀輅而下六又無篆輅中大夫自祀輅而下五又無木輅下大夫自祀輅而下四又無夏篆土車三祀車墨車棧車凡就各如其命數自孤以下就以朱綠二采

隋皇太子金輅赤質金飾諸末重較箱畫楯文鳥獸黃
伏鹿軾龍輶金鳳一在軾前設障塵朱蓋黃裏畫輪朱
牙左建旂九旂右載闕戟旂首金龍頭銜結綴及鈴綏
駕赤騶駟八鸞在衡二鈴在軾金鏤方鈿插翟尾五焦
鏤錫鞶纓九就從祀享廟正冬大朝納妃則乘之輅車
金飾諸末紫通幟朱裏駕一馬五日常朝及朝饗宮官
出入行道乘之四望車金飾諸末紫油幢通幟朱裏朱
絲絡網駕一馬弔臨則乘之

隋制公及一品象輅黃質象飾諸末建旗畫以鳥隼受
冊告廟升壇上任親迎及葬則乘之侯伯及二品三品
革輅白質建旗畫熊虎受冊告廟親迎及葬則乘之子
男及四品木輅漆飾建旒畫龜蛇受冊告廟親迎及葬
則乘之象輅以下旂及就數各依爵品犢車則魏武賜
楊彪七香車也駕牛自王公以下至五品以上並給乘
之三品以上青幟朱裏五品以上紺幟碧裏皆白銅裝
唯有參謁及弔喪者則不張幟而乘鉄裝車六品以下
不給任自乘犢車弗許施幟而乘初五品以上乘偏幟
車其後嫌其美停不行用以白幟代之三品以上通幟
車則青壁一品輅車油幟朱網唯車輅一等聽始得乘
之

唐太子車輅因隋制王公以下車輅親王及武職一品象輅自餘及二品三品革輅四品木輅五品輅車象輅朱斑輪八在衡左建旂旂畫龍一右載闕戟革輅以革飾左建壇通帛為壇餘同象輅木輅以漆飾之餘同革輅輅車曲壁青通幟諸輅質蓋旂壇皆朱一品九旂二品八旂三品七旂四品六旂其有輦纓就數皆準此三品以上珂九子四品七子五品五子六品以下去通幟及珂王公車輅藏於太僕受制行冊命巡陵婚葬則給之餘皆以騎代車

皇太子鹵簿家令次率更令並乘輅車次太保次太傅次太

師自家令已下並正道威儀鹵簿各次六十三品各乘輅次清游隊旗一人執一人引二人

夾領三十騎次左右清道率府率各一人次外清道直簿二

十四人騎分左右夾道單行次龍旗六各一人騎執每一騎前二人

引前每旗後亦二人重騎護後次細引六重重二人並次率更丞一人

桐鼓金鉦各二面左鼓右鉦次大鼓三十六面騎橫行正道次長

鳴三十六具騎橫行正道次鑊吹一部鑊鼓二面各一人騎夾簫笳

各六騎並橫行次桐鼓金鉦各二面一騎執左鼓右鉦次小鼓三

十六面次中鳴三十六具並騎橫行正道次誕馬十匹分左右二人執

次廐牧令一人在左丞二人在右次左右翊府郎將各一人

騎領班劍次左右衛翊衛二十四人騎執班劍次通事舍人四人

騎分次直司二人騎分次文學四人騎分次洗馬二人

騎分次司議郎二人騎分次太子舍人二人騎分次中

允二人騎分次中書舍人二人騎分次左右諭德二人

騎分次左右庶子四人騎分次左右副率各一人親勳

翊衛廂各中郎將一人並領儀刀六行第一行親衛二

親衛二十五人第三行勳衛二十七人第四行勳衛二

十九人第五行翊衛三十一人第六行翊衛三十人皆

曲折騎次三衛十八人騎分郎將二人騎分儀刀仗內夾輅

陪後行次金輅赤質金飾駕四馬從祀享僕一人馭左右率一

人執儀刀陪乘駕士二十二人次左右衛率各一人夾

輅次左右率各一人副率各一人騎領細刀次千牛騎

執細刀弓箭次左右監門府直長各六人監後門次左

右衛率府廂各翊衛二隊並騎在執厭角隊各三十六

騎分執旗弓箭稍次繖二扇四次腰舉一團扇二小方

扇八次內直郎二人檢校次誕馬十匹分左右次典乘

二人分左右次朱漆團扇六紫曲蓋六次諸司供奉官

人次大角三十六具橫行次鏡吹一部鼓二面簫笳各

次橫吹一部橫吹十具節鼓一面笛簫次令官師二人

次副輅駕四馬駕士二十次輶車金飾駕一馬五日常朝

則乘之駕士十四人次四望車金飾駕一馬次左右廂步隊

十六隊隊列三十人果毅一人次左右司禦率各一人

乾隆十二年校刊

卷之四

三十四

王禮十四

三

檢校次儀仗左右廂各六色色九行行六人皆執戟弓

步隊廂各獨揭鼓六重重二人皆儀仗外次左右廂各百五十

人執及並分前後在步隊儀仗外馬隊內前接六旗後

後次左右廂馬隊廂各十隊隊引主師以下三十一人

毅引旗一果次後拒隊旗一領三十騎果毅一人領前

當正道及仗內開牙門次左右廂各開牙門三前第一

司禦率隊後左右率府步隊前開第二門左右衛率府

步隊後司禦率府儀仗前開第三門左右司禦率府儀

仗後左右率府步隊前每門皆二人步四人夾左

右監門副率各一人直長二人騎來去檢校也次左

右清遠率府副率二人仗內檢校并糾察非違率應得

次少師次少傅次少保隊仗引盡則次三少正道乘輅

威儀各依本品文武官以次陪

從若常行及常朝去諸馬隊鼓吹金輅四望車家令率

更詹事太保太師少保少師其隊仗三分減一清道儀

刀誕馬各減半乘輅車餘同大仗其二傅皆乘犢車依

式道從不得過十人太傅加清道二人導引其鹵簿內

道從官三師三少若有事故及無其人則闕總不須攝

餘若有事故及無其人則別遣人攝行若皇太子在學

太傅少傅導從如式

親王鹵簿清道六人為三重次幟弩一次青衣十二人

分左次車輻十二人分左次戟九十分左次絳引幡六

次內給使左右廂各三行行四十人各執刀楯次柁鼓

弓箭及稍並戎服

乾隆十二年校刊

王禮十四

金鉦各一面一騎執二次大鼓十八面騎橫行次長鳴

十八具騎橫行次小鼓十面中鳴十具分左右單行中鳴在小鼓外

節一夾稍二次告止幡四次傳教幢四次信幡八次儀

鋌二次儀鎧六次油戟十八次儀稍十次細稍十次儀

刀十八次誕馬八次府佐六人騎分次象輅一駕四馬

八次繖扇一次采漆團扇四曲蓋二次麾幢各一次大

角八騎二重橫行正道次鐃吹一部鐃鼓一面簫笳次橫吹一

部橫吹六騎節鼓一騎二人夾騎羣官鹵簿一品清道四人為三重四品已上並二人憶弩一騎青衣

十人車輻十人三品八人自戟九十人二品七十三品六十

絳引幡六二品以下刀楯弓箭稍各八十二品六十三品五十四品四十

桐鼓金鉦各一大鼓十六二品十四品八長鳴十六二品以下

闕節一夾稍二告止幡二傳教幡二信幡六其信幡二

品二餘誕馬六二品三品四儀刀十六二品十四品自下

府佐四革輅一四品木輅並駕四馬駕士繖一朱漆團

扇四三品四曲蓋二二品以下僚佐本服陪從麾幡各大

角八角自二品至鐃吹一部鐃簫笳各四二品三品三

橫吹一部橫吹六二品三品節鼓一二品以下並賜笛簫篳篥

笳各四二品右應給鹵簿者職事四品已上散官二

品以上爵郡王已上及二王後依品給國公准三品給

乾隆十二年校刊

王禮十四

官爵兩應給者從高給若京官職事五品身婚葬并尚
公主娶縣主及職事官三品以上有公爵者嫡子婚並
准四品給凡自王公以下在京拜官初上正冬朝會及
婚葬則給之婚及拜官初上正冬朝會去稍弓箭凡應
導駕及都督刺史奉辭至任上日皆依品給奉辭去稍
弓箭刀楯
金鈺桐鼓大小鼓橫
吹大角長鳴中鳴

中宗時皇太子將釋奠國學有司具儀從臣著衣冠
乘馬左庶子劉子元議古大夫以上皆乘車以馬爲
駢服魏晉後以牛駕車江左尙書郎輒輕乘馬則御
史劾治顏延年罷官乘馬出入閭里世稱放誕此則

乘馬宜從褻服之明驗今陵廟巡謁王公冊命士庶
親迎則盛服冠履乘輅車他事無車故貴賤通乘馬
此法駕所幸侍臣皆馬上朝服且冠履惟可配車故
博帶褒衣革履高冠是車中服鞵而鏡跣而鞍非唯
不師於古亦自取驚流俗馬逸人顛受嗤行路太子
從之因著爲定令

宋朝皇太子車輅之制真宗仁宗爲皇太子謁太廟乘
金輅常朝則乘馬

羣臣車輅鞍馬之制親王一品奉使及葬並給革輅制
同乘輿之副惟改龍飾爲螭六引內三品以上乘革車

赤質制如進賢車無案駕四赤馬駕士二十五人緋纒衣絡帶旗戟綢杠繡文司徒以瑞馬京牧以隼御史大夫以獬豸兵部尚書以虎太常卿以鳳駕士衣亦同縣令乘輅車黑質西壁紗窻一轅金銅飾紫幘衣絡帶並繡雉啣瑞草駕二馬駕士一十八人百官常朝各乘馬鞍勒之制金塗銀裝牡丹花校具重八十兩紫羅繡寶相花雉子方鞵油畫鞍橋白銀銜鐙以賜宰相親王使相殿前馬軍步軍都指揮使金塗銀裝太平花校具重七十兩紫羅繡瑞草方鞵油畫鞍橋陷銀銜鐙以賜樞密使副使叅知政事節度使殿前馬軍步軍副都指揮使都

虞以上

四廂都指揮使鞵以紫羅剗花

若出使則加紅氍牛纓金塗銀

釵使相外加紅織成鞍復步軍都虞侯以上賜帶甲馬

者加紅皮鞦轡校具重七十兩青氍圓鞵陷銀銜鐙金

塗銀開裝麻葉校具重五十兩紫羅剗花方鞵油畫鞍

橋陷銀銜鐙以賜三司使文明資政翰林龍圖樞密直

學士御史中丞兩使留後觀察防禦使廂都指揮使軍

廂都指揮使初除授團練使刺史者賜亦同

曾任中書樞密院後

為學士中丞者鞵以繡瑞草

金塗銀三環寶相花校具重二十五兩

紫羅圓鞵烏漆鞍橋銀銜鐙以賜團練使刺史金塗銀

促結洛州花校具重二十兩紫羅圓鞵以賜諸路承受

白成重十五兩以賜諸王官寮翰林侍讀侍書金塗銀寶相花校具重二十兩蠻雲校具重十五兩以賜諸班押班殿前指揮使以上白成窪面校具重十二兩以賜諸班皆藍黃純圓鞵至太平興國七年詔升朝官許乘銀裝條子鞍勒六品以下不得開裝其鞵皆不得制繡金皮飾餘官及工商庶人並許乘烏漆素鞍不得用狻毛暖坐其藍黃條子非宮禁不得乘士庶軍校乘白皮鞍勒者悉禁之對繖人臣通用以青絹爲之國初京城內獨親王得用太平興國中宰相樞密使始用之其後近臣及內命婦出入皆用大中祥符五年詔除宗室外其餘悉禁六年復許中書樞密院用京城外則庶官通用王公以下凡大駕六引用本品鹵簿奉冊充使及詔葬皆給之親王止用一品之制而加告止幡傳教幡信幡各二其葬日止用六引內儀仗景德二年南郊鹵簿使王欽若上言鄆王攢日所給鹵簿與南郊儀仗吉凶相參望依今別制王公車輅所有鼓吹儀仗亦請增置以備拜官朝會婚葬之用從之於是儀服悉以畫其葬日在塗以革車代輅

玉山汪氏曰按唐制皇太子妃親王文武職事官四品以上散官二品以上并長安縣令內命婦才

人以外命婦四品以上皆給鹵簿本朝皇太子鹵簿遇升儲則草定儀注其王公以下惟大禮奉引乘輿及身薨勅葬則給太子妃以下內外命婦皆不復給則是本朝人臣亦有給者而比舊愈嚴矣故中官麥允言及充媛董氏之喪詔給鹵簿而司馬溫公皆爭之以其非常典也

神宗元豐三年詳定禮文所言鹵簿記公卿奉引第一開封令乘輅車開封牧隼旗次太常卿鳳旗司徒瑞馬旗御史大夫獬豸旗兵部尚書虎旗而乘革車考之非是按周禮巾車職曰孤乘夏篆卿乘夏纁大夫乘墨車

司常職曰孤卿建旃大夫建物請公卿以下奉引先開封令乘墨車建物次開封牧乘墨車建旂太常卿御史大夫兵部尚書乘夏纁司徒乘夏篆並建旃所以參備九旂之制從之

徽宗政和三年議禮局上皇太子車輅之制金飾諸末重較箱畫苜文鳥獸黃屋伏鹿軾龍輶金鳳一在軾前設鄣塵朱蓋黃裏輪畫朱牙左建旂九旒右載闕戟旂首金龍頭銜結綬及鈴綏八鸞在衡二鈴在軾駕赤騮四金驥方鈇插翟尾鏤錫鞶纓九就從祀謁太廟納妃則供之輅車金飾諸末紫油通幟紫油纁朱裏駕馬一

四望車金飾諸末青油通幟青油纁朱裏朱絲絡網駕馬一輅車四望車以次列於鹵簿仗內

六年禮制局言古之諸侯出封於外同姓錫以金輅異姓錫以象輅蓋出而制節則遠君而其道伸入而謹度則近君而其勢屈故其入覲則不敢乘金輅象輅以同於王當自降而乘墨車也若公卿采地在天子縣內者則爲都鄙之長大司馬所謂師都建旌是矣今開封牧列職於朝與御史大夫同謂之卿可也其在周官則卿大夫之職是矣又無金輅象輅之錫而乃比於古之諸侯入覲而乘墨車可乎成周上公九命車旗以九爲節

故建常九旂侯伯七命車旗以七爲節故建常七旂男五命車旗以五爲節故建常五旂其卿六命其大夫四命車旗亦各眡其命之數則卿之建旌當用六旂大夫建物當用四旂至於三旂則上士所建也其開封令宜乘墨車而建物四旂開封牧御史大夫戶兵禮部尚書皆卿也宜乘夏纁而建旌六旂從之

皇太子鹵簿之制家令率更令詹事各乘輅車太保太傅太師乘輅各正道威儀鹵簿依本品次清游隊旗

執一

人引二人並正道清道率府折衝都尉一員領二十騎

夾二人執稍一十八人弓矢九人弩三人二人騎從折衝次左

右清道率府率各一員領清道直簿及檢校清游隊龍
旗等執纛稍各二人次外清道直簿二十四人騎次正
道龍旗各六執一人前二人引後二人護副竿二人執各一人騎次正道細
仗引為六重每重二人自龍旗後均布至細仗稍與弓
箭相間並騎每廂各果毅都尉一員領次率更丞一員
次正道前部鼓吹府史二人領鼓吹並騎柁鼓金鉦各
二執各一人夾二人以下准此帥兵官二人次大鼓三十六橫行長鳴
以下准此帥兵官八人長鳴三十六帥兵官二人鑊吹一部
鑊鼓二執各一人夾二人後部鑊節鼓准此簫笳各六帥兵官二人柁鼓
金鉦各二帥兵官二人次小鼓三十六帥兵官四人中

鳴三十六帥兵官二人以上並騎次誕馬十每匹二人控餘准此
廐牧令丞各一員各府史二人騎從次左右翊府郎將各一員
領班劔左右翊衛執班劔二十四人通事舍人四人司
直二人文學四人洗馬司議郎太子舍人中允中左右
諭德各二人左右庶子四人並騎自通事舍人後各從名次左右
衛率府副率各一員步從親勳翊衛每廂各中郎將郎
將一員並領六行儀刀第一行親衛二十三人曲折三
人第二行親衛二十五人曲折四人第三行勳衛二十
七人曲折五人第四行勳衛二十九人曲折六人第五
行翊衛三十一人曲折七人第六行翊衛三十三人曲

折八人曲折人並陪後門以上三衛並騎次三衛一十八人騎

中郎將二人夾輅在六行儀刀仗內次金輅駕馬四僕

寺僕馭左率府率一員駕士二十二二人夾路左右衛率

府各一員各步從一人次左右率府率各一員副率各一員

並騎各步從一人次千牛騎執細刀弓矢三衛儀刀仗後開

牙門次左右監門率府直長各六人監後門並騎次左右

衛率府每廂各翊衛二隊並騎次壓角隊各三十人執旗

二人引二人夾二人執稍一十五人弓矢七人弩三人每隊各

郎將一員領次正道繖二雉尾扇四夾繖次腰輿一輿

士八人團雉尾扇二小方雉尾扇八夾執各一人次內直郎

令史各二人騎從檢校次誕馬十典乘二人府吏二人

騎從次左右司禦率府校尉各一人並騎領團扇曲蓋

次朱團扇紫曲蓋各六執各一人次諸司供奉官人次左右

清道率府校尉各一人並騎領大角三十六鏡鼓二簫笳

各六帥兵官二人橫吹十節鼓一笛簫觱栗五帥兵官

二人並騎次管轄指揮使二人檢校次副輅駕四馬駕士

二十人輅車駕一馬駕士一十四人四望車駕一馬駕

士十人次左右廂步隊凡六十每隊各果毅都尉一人

領並騎隊三十人旗一人引三人夾二人步二十五人前

一隊執稍一隊帶弓矢以次相間左右司禦率府左右衛率府廂各四隊二

乾隆十二年校刊 王禮十四

在前二次左右司率禦府副率各一員檢校步隊各二
在後二次左右司率禦府副率各一員人執纛稍騎從次儀仗左右廂各六色九行行六人前
第一行戟赤斃第二行弓矢第三行儀鉞并毘第四行
刀盾第五行儀鎧五色幡第六行油戟次前仗首左右
廂各六色色三行行六人左右司禦率府各一員果毅
都尉各一員帥兵官各六人領次左右廂各六色色三
行行六人左右衛率府副率各一員果毅都尉各一員
帥兵官各六人領次盡後鹵簿左右廂各六色色三行
行六人左右司禦率府副率各一員各一人果毅都尉
各一人帥兵官各六人領各六人護後並騎每廂各絳

引幡十二執各一人引前揭鼓十二揭鼓左右司禦率
府二次左右廂各一百五十人左右司禦率府各八
重各六十並分前後在步隊儀仗外馬隊內前接六旗後
四人盡鹵簿曲折至門每廂各司禦率府果毅都尉一員檢
校各一人從每廂各帥兵官七人並騎左右司禦率各
二次馬隊左右廂各十隊每隊帥兵官以下三十一人
旗一執一人引二執稍十六人弓矢七人弩三人前第
一隊左右清道率府果毅都尉各一員領第二第三第
四隊左右司禦率府果毅都尉各一員領第五第六第
七隊左右衛率府果毅都尉各一員領第八第九第十

隊左右司禦府果毅都尉各一員領次後拒隊旗

執一人引

二人夾

清道率府果毅都尉一員領四十騎執稍二十

人弓矢十六人弩四人义二人騎從次後拒隊前當正

道受仗行內開牙門次左右廂各門三前第一門左右

司禦率府步隊後左右率府步隊前第二門左右衛率

府步隊後司禦率府儀仗前第三門左右司禦率府儀

仗後左右衛府步隊前

每開牙門旗二人夾四人並騎

監門率府直長

各二人並騎次左右監門率府副率各一員騎來往檢

校諸門各一人騎從次左右清道率府副率各三人仗

內檢校并糾察各一人騎從次少師少傅少保正道乘

輅威儀鹵簿各依本品次文武官以次陪從

王公以下鹵簿之制中道清道六人次幟弩一騎次大

晟府前部鼓吹令及職掌局長院官各一人柎鼓金鉦

各一大鼓長鳴各一十八柎鼓金鉦各一次引樂官二

人小鼓中鳴各十次麾幢各一節一夾稍二誕馬八

每匹

控馬各二人

革車一乘駕赤馬四駕士二十五人散扇十方

繖二朱團扇四夾方繖曲蓋二次大角八次後部鼓吹

丞一員錄事一人次鐃鼓一簫四笳四大橫吹六節鼓

一夾色二笛簫鳳篋笳各四次外仗青衣十二車輻棒

十二戟九十絳引幡六刀盾稍弓矢各八十儀刀十八

信幡八告止幡傳教幡各四儀鋌二儀鐙斧挂五色幡
六油戟十八儀稍十二細稍十二次左右衛尉寺押當
職掌一十一人騎部轄部兵部轄騎兵太僕寺部押人
員各一名教馬官一名押當職掌四人騎

一品鹵簿之制命婦同中道清道四人懣弩一騎大晟府

前部鼓吹令一職掌一名局長院官各一名桐鼓金鈺

各一大鼓長鳴各一十六麾幢節各一稍二誕馬六次

革車一乘駕赤馬四駕士二十五人命婦厭翟車駕士一十三人二品三

品准散扇八二品減四三品減六命婦散扇五十方織

二朱團扇曲蓋二大角八命婦屬車六駕黃牛十八駕士五十九人行大角前二品

三品准此次後部鼓吹丞一員錄事一名引樂官二員鑊鼓

一簫笳大橫吹角四節鼓一笛簫感篋笳各四仗外青

衣十人車輻棒十戟刀九十刀盾稍各八十弓矢六十

儀刀三十信幡八告止幡傳教幡儀鐙斧挂五色幡各

四次衛尉寺排列押當職掌一十一人部轄人員太僕

寺部押人員教馬官各一名押當職掌四人命婦加二人

二品鹵簿之制命婦同中道清道二人懣弩一大晟府前

部鼓吹令一及職掌局長院官各一名桐鼓金鈺各一

大鼓十四麾幢節各一夾稍二誕馬四次革車一乘駕

赤馬四駕士二十五人散扇四方織朱團扇曲蓋各二

乾隆十二年校刊 王禮十四

次大角八次後部鼓吹丞一錄事引樂官各一名饒鼓
一簫笳各二大橫吹四笛簫鳳篳笳各二外仗青衣八
人車輻棒八戟刀盾稍弓矢各六十儀刀十四信幡四
告止傳教幡各二次衛尉排列押當職掌九人太僕寺
部押人員教馬官各一名押當職掌四人命婦加二人
三品鹵簿之制命婦同中道清道二人幟弩一麾幢各一
節一夾稍二誕馬四次革車一乘駕赤馬四駕士二十
五人散扇二方繖二曲蓋一大角四外仗青衣八人車
輻棒六戟六十刀盾稍弓矢各五十儀刀十二信幡四
告止傳教幡各二次衛排列押當職掌七人部轄人員

太僕寺部押人員教馬官各一名押當職掌四人命婦加二人

政和時詔賜諸王三接青羅繖一紫羅大掌扇二遂爲
故事皇太子用三簷青羅繖紫花羅掌扇四

高宗建炎元年詔百官特許乘轎惟不以入皇城

舊制百官入朝並乘馬若耆德大臣及宗室屬近行
尊者許乘肩輿政和三年冬以雪濘暫許百官乘轎
不以入宮門路通復常制靖康末高宗至磁州守臣

宗澤以所乘轎進黑漆紫褥上却之在京百官不用肩輿所以避至

尊建炎初元上以維揚道滑難於乘騎乃諭輔臣曰

君臣一體朕不欲使羣臣奔走危地特許乘轎惟不以入皇城二年隆祐太后至杭州有司言州僚乘轎張蓋不少裁抑於禮未安詔不許乘涼轎紹興七年詔監察御史以上出入宰執以下退朝入局並乘馬遇雨乘轎沿邊臣僚內地巡尉並令乘馬三十二年十一月詔張燾朝謁許乘轎出入皇城門至宮門內上下馬處隆興二年參知政事周葵為墜馬所傷暫令乘轎入內赴朝參隆興二年詔左僕射陳康伯乘肩輿出入皇城門至殿門外優禮也

程氏演繁露曰百官得於寓京乘轎自揚州始後

遂不復乘馬惟從駕則乘之祖宗時臣僚雖在外亦不許乘轎也唐會要開成五年黎植奏朝官出使自合乘驛馬不合更乘檐子自此請不限高卑不得輒乘檐子如疾病卽任所在陳牒申中書門下及御史臺其檐夫自出錢雇其宰相至僕射致仕官疾病者許乘之

孝宗乾道元年禮官言皇太子朝謁太廟當服袞冕乘金輅旣而太子言至道天禧故事非臣子所安乃免乘輅設仗九月詔皇太子從祀乘金輅令有司排設皇太子亦辭之

舊制車駕行幸東宮扈從在三省之上乾道中詔於
駕後方圍子內行馬
乾道中詔臣僚導從至太廟景靈宮墻並禁治張蓋乘
太常少卿林栗言車駕經太廟有司預節音樂止警
蹕稍近則却繳扇至尊撫式輦士趨進實惟古禮式
趨宗廟之儀而臣下呵導張蓋未有條約於是申嚴
其禁
文獻通考卷第一百十九



